



8  
Ch L T 5237.08/7904

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

JUN 28 1932





宋十五家詩選

高翥

元姚牧菴序畧云菊圃集者高君九萬翁之所作也九萬舜江人諱翥號菊圃世居越之餘姚少穎拔不羈抗志勵節好讀奇書厭科舉學退然信有天命隱居教授師道尊嚴弟子造其門者隨其材器教之皆有成就家雖貧非其義一介不取扁所居曰信天巢而樂乎道采菊英酌圃水蕭然遊憩操觚歌凡所交皆碩士既而遊錢塘越金陵浮洞庭彭蠡弔古今名山大川蓄諸心胸發於聲詩以鳴當世載諸羣選老年耽西湖之形勝周君文璞詩酒相與遂卒於寓舍葵杭之葛嶺談家山平生特崇志節出乎人表煥爛文章在人心目其姪鄉貢進士南仲甫痛其文墨外遺十亡八九殘編綴之斷簡拾之僅存者百七十章成集而家傳焉今曾孫名思魯者持其集屬予序予盥手閱之知其氣節渾厚不務險怪艱澁哀樂皆適其中辭氣圓美流轉如彈丸則其功也精矣足有關於風化者哉



東海 陳 訐 輯



實當代之儒宗良有以備後之觀覽也惟公  
父曰選叔父曰邁紹興間繼登科第迄今詩  
禮相襲道義相宣藹然而盛實自菊圃翁啟  
之也今遺墨之存非專美於家之有傳而亦  
幸於世之有傳矣為其子若孫者當景仰而  
慕之子與高氏斯文久契序可得而辭乎於  
是書其要於卷首皆元貞元年三月既  
望榮祿大夫翰林院學士承旨姚燧序  
謹按家乘公既肆志聲詩屏居高卧益以氣  
自負孝宗朝累徵不起乃即所居賜號菊圃  
處士仍手書賚之有報友人論詩者畧云且  
奉明教量材而進成家而止時代高下無庸  
論較斯言美矣未盡善也夫古以漢魏為至  
律必開元以前材有不逮可勉而至志之所  
畫終焉而已使蘓李苟安必效瓦缶之奏孟  
賈易轍立發洪鐘之響然匠心雖工學步滋  
醜時賢崇尚杜詩句紬字繹神理索然竊欲  
法其弘淡滌彼拙率推之漢魏莫不皆然若  
夫天寶以還五季而上但堪代燭云爾可知  
持論之精矣吾宗系出宋高武烈王諱瓊  
處士乃武烈王之仍孫也由燕徙汴南渡徙  
臨安至處士始遷海昌之巖門家焉同時劉

後邨戴石屏集中酬贈俱有詩人之目原集  
湮逸已久今少詹事士奇表揚先世遺澤於  
玉峰徐健菴司寇所藏宋集中得詩一百有  
九首於秀水朱竹垞太史所藏宋刻江湖集  
中得詩四十七首合他集所錄四十餘首去  
其重出凡五十七言近體詩一百八十七首彙  
訂授梓評得恭輯重假師王荆公先大夫集  
序之例不敢贊也然真幸於世有傳矣至子  
孫景仰而慕之敢忘姚承旨弁  
言之旨乎第十七世孫評謹識

春日即事

人間閒日月春日乍晴陰  
半夜雨聲急一谿流水滾  
鳥嘯花自發詩就客能吟  
短策西湖路幽芳信意尋

送別

老去情懷怕別離年來不作送行詩  
人前舉似終難信問  
著垂楊便可知

春日北上二首

人緣白石澗清溪手剝蒼苔認舊題春色滿山歸不去拆  
桐花裏畫眉啼

種花吹笛兩山中桃李尊前日日同待得馬頭飛絮滿更  
來沽酒看殘紅

僧房夜坐

萬枝松裏一篝燈知是山房第幾層靜夜數聲清磬響上  
方應有誦經僧

訪諸葛鍊師不遇

青銅留著布囊中去謁人間小卧龍久欲共君謀一醉有  
錢卻又不相逢

雜興二首

新分菊本自鋤山手縛枯籐作矮闌比似著書空用力種  
花猶得一年看

二十年前欲住山不禁寂寞掩柴關如今寂寞禁當得欲  
掩柴關又却難

秋日田父辭二首

啄黍黃雞沒骨肥繞籬綠橘綴枝垂新釀酒旋裁衣正是  
昏男嫁女時

少婦接藍旋染裙大兒敲葛自漿巾新摘摘笑欣欣相喚  
相呼看賽神

孤山雪後

雪後騎驢行步遲孤山何似灞橋時近來行輩無和靖見  
說梅花不要詩

天台曹園

蔡嶺桑麻地曹家桃李莊谿流春水滑梅度晚風香竹屋  
解留客筍輿休似裝平生看花法不學蜜蜂忙

西湖春雪

小艇沿湖看雪飛正當騎馬踏春時是誰乞與楊花舞先  
占東風一月期

閒居雜興三首

開門遣蠻童買花供銅佛春風隨花來爲我一披拂風和  
花氣清下簾休放出回施佛因果供此老詩骨

點鐙酌春酒襞紙題小詩讀盡列仙傳引調學語兒自飲  
復自笑不覺春漏遲且了今日事明日還任之

杜鵑休叨叨布穀休聒聒無田不須耕無家能自活行藏  
莫非時造化安可奪更放心地寬出門行路濶

春日湖上

乘興行新路凝情獨老翁馬蹄春艸上人影夕陽中飛絮  
沿河白殘花染浪紅晚歸雲氣合雙槳破空濛

春懷

江南春盡尚春寒添盡征衣獨掩關日暮酒醒聞謝豹所  
歡多在水雲間

過臨平

菊圃詩選 四  
江颿一似白鷗輕起揭船篷看曉晴梅子著花霜壓岸自披風帽過臨平

古廟

古廟依喬木開門對淺沙短籬紅槿樹深徑碧苔花屋破香煙溼庭空日脚斜山寒無賽鼓鳴噪集神鴉

古寺

山路荒涼出小亭土墻斑駁帶枯藤欹斜古殿三尊佛黯淡寒篝一點燈碣石半磨天寶字禪房空老政和僧頭陀禮拜迎人說門外浮屠欠兩層

卜居

結屋離黃道開門對白沙一莊千古月三徑四時花客至

旋沽酒身閒自煮茶相聞蟲鳥外不復聽喧譁

秋日三首

旋買扁舟載一翁片颿吹下夕陽東西風欲織江頭錦催染秋林葉葉紅

庭艸銜秋自短長悲蛩傳響答寒螿豆花似解通鄰好引蔓殷勤遠過牆

獨客飄然物外遊江南江北總宜秋芭蕉昨夜綠何事和雨和風作許愁

松谿廟

廟自何年立門深晝不扃寒藤扶壞壁秋艸帶疏櫺谿接東西碧山分遠近青老巫逢客至謾說有神靈



蓮實

賦玉肌膚碧玉房  
纍纍波面趁紅芳  
坐忘佛土三生夢  
來結人間一夏涼  
青子綻時仙掌溼  
綠包分處蜜脾香  
尊前笑摘隣風露  
猶記西湖古柳傍

無題二首

獨展羅衾無夢成  
寶香熏徹轉愁生  
癡心不願郎思妾  
只願郎今厭客情

風竹蕭蕭淡月明  
孤眠真個可憐生  
不知昨夜相思夢  
去到伊行是幾更

秋興

數聲新鴈夜初長  
曉起開門衣袂涼  
籬菊褪黃秋興懶  
瓦

溝才試一痕霜

秋晚卽事

江頭風葉舞低回  
催得濃雲頂刻開  
萬里碧天紅日晚  
數聲新鴈送寒來

毋自欺齋夜宴

毋自欺齋清更嚴  
齋中人物斗之南  
七朝宰相得瞻仰  
四海詩人交笑談  
古調喜聽琴再弄  
淡杯休惜酒重添  
玉堂今夜無宣喚  
且與江湖作小參

曉出黃山寺

曉上籃輿出寶坊  
野塘山路盡春光  
試穿松影登平陸  
已覺鐘聲在上方  
艸色豁流高下碧  
菜花楊柳淺深黃  
杖藜

切莫匆匆去有伴行春不要忙

育王寺

曉策烏藤上育王入山隨處得徜徉  
碑頭龍護先皇字塔上魚懸外國香  
徧謁僧房嘗茗茗閑聽社媪說豪光山  
淡日短行難盡僧遣頭陀辦客牀

春日湖上

清波門外放船時盡日輕寒戀客衣  
花下笑聲人共語柳邊橋影燕初飛  
曉風不定棠梨瘦夜雨相連薺麥肥  
最憶故山春更好夜來先遣夢魂歸

黃居士山房

浮利浮名心已灰三間茅屋白雲堆  
先生自釀松精酒待

女能持藤瘦杯養鹿曉隨原艸去  
放猿時摘野花來近聞身口渾無累  
榭葉黃青繞宅栽

育王寺

精藍遊歷地景物自情親鶴引登山客  
僧迎禮塔人名花千佛供喬木萬夫身  
碑刻東坡作重來爲拂塵

送春

韶光催去太無情祇爲東君去住輕  
雖欲遲留芳艸夢如何禁得杜鵑聲  
桐花快落春風老梅子微酸晚雨晴  
從此嬉遊時節少不須日日報詩成

秋山散步

乍晴沙路軟於塵新著芒鞋更可人  
誰道秋山不宜路桂

花多處勝行春

卽事

秋來高處不宜登  
閒却西樓最上層  
讀罷黃庭牕戶晚  
自敲清磬上香燈

烏鎮普靜寺寺沈休文故居也

寂寞梁朝寺  
深廊十數間  
碑存知殿古  
香冷覺僧殘  
斷岸舟橫浦  
平陂樹補山  
休文如好在  
依舊帶圍寬

渡錢塘

小立晴江上  
潮生落照邊  
晚花低映水  
春艸暗迷烟  
燕子飛官驛  
鷗羣引客船  
關情南浦別  
相對獨依然

七夕

一枕新涼供醉眠  
覺來風物已凄然  
山雲帶雨重重合  
宮樹鳴秋葉葉顛  
滿進一杯酬好節  
休看兩鬢換流年  
雙星回口癡兒等  
容我長齋繡佛前

荆棘中見梅

荆棘叢中數點春  
春雲態度月精神  
依然竹屋茅欄下  
靚女盈盈不嫁人

感春

人事日紛紛  
不知春已分  
問梅成綠葉  
看杏落紅雲  
燕向晴空語  
蛙從夜靜聞  
感時傷老大  
孤坐對鑪熏

送劉允叔主簿歸山中

浮利浮名挽不來  
故山歸去恰春回  
馬蘭旋摘和松鬢  
梅

苑柳詩選  
九  
杞新生傍菊栽庭樹夜留山鳥宿洞門早爲野雲開明年  
我亦天台寺相伴芒屨蹋古苔

江居曉詠

家住清江江上邨江雲山影自平分幾回早起開門看不  
見青山見白雲

題二小姬扇二首

慶娘顰翠眉春瘦怯羅衣笑問採花蝶如何成對飛  
湘湘未識羞獨坐抱箜篌貪學者婆舞擡身拜部頭

小樓雨中

雲浮江雨暗獨客苦淹留白髮羞明鏡青山對小樓酒功  
書下下心事付悠悠安得并州剪從頭剪斷愁

首夏

漾漾池塘碧染衣陰陰艸樹綠成圍江邨寂寞春歸後一  
點楊花不見飛

寄方巖

綠髮仙人山澤癯出遊入息幾曾拘種花甚少四時有諫  
艸不多千古無閱世眼高磨日月好賢名重滿江湖行藏  
到得無心處鐘鼎山林豈異塗

自賦

蝸角蠅頭總是虛何須畱戀市朝居老於親戚情當密貧  
與公卿分合疎小澗艸荒元種菊故山塵滿舊鈔書幾時  
歸去重經理嘯月眠雲得自如

蕺山登高

醉眼橫斜看菊枝，又成客裏過佳期。去年行路猶持酒，今日登高懶賦詩。老淚怕從衣袂見，閒情但有帽欄知。阿髯故國才歸得，歲歲須來舉一卮。

戍婦吟二首

將身托戰爭，世事百無情。相對坐離別，渾如落葉輕。辭家出戍邊，北望隔青烟。怕作沙場夢，秋宵不敢眠。

重遊無量院

佛屋欹斜老翠微，小軒猶記昔遊時。江雲帶雨涼生竹，野水迎潮暗入籬。門外風波僧自識，山中朝暮客曾知。眼明素壁關情久，十載才能為此詩。

春霽

積雨才收雲盡歸，長空一色碧琉璃。日移簾影臨書案，風颭瓶花落硯池。巢燕學飛猶戀母，籠雞得食旋呼兒。眼看景物關情甚，喜為新晴賦此詩。

歲除登峯嶠山精舍

蕭寺經行無盡情，倚闌長是眼增明。谿因宿雨十分急，山為凝寒一味清。竹外飛花隨晚吹，樹頭幽鳥識春聲。重來又是明年事，臨出門猶欸欸行。

張氏曲江

一曲澄江兩派分，滿山修竹綠齊雲。矮牕風月侵飄腹，小徑烟霞隱屐痕。白鷺夜依花影宿，清猿時共觴聲聞。主人

與客心如水同倚闌干得細論

登九華樓

高閣臨江可契心興來時得一登臨山雲浦樹重重合野  
水汀蒲日日深鴉背夕陽供晚哺蟬迎涼吹試秋吟倚闌  
盡見諸峯出如對風流李翰林

趙仲莊都鈴山居

一官難換北山薇結屋栽花度四時果熟不妨禽摘盡酒  
香惟恐客來遲小蘋低唱花間曲何廣高吟李下詩客久  
辦心分半隱尚嫌風骨欠仙姿

船戶

盡將家具載輕舟來往長江春復秋三世兒孫居柁尾四

方知識會沙頭老翁曉起占風信少婦晨粧照水流自笑  
此生漂泊甚愛渠生理付浮悠

歸寓舍

門前流水碧粼粼歲晚歸來亦可人梅欲開時多是雨艸  
才生處便成春嬌兒對面兩癡絕老子關情一欠伸快取  
竹籊籊濁酒舉杯先爲洗京塵

憶西湖

西湖春二月結客少年遊駿馬黃金勒長身紫綺裘愛花  
論擔買嗜酒滿船浮兩載緣何事台州又越州

小樓雨中

長安市上僦樓居閒裏身心儘自知十日雨聲春對酒一

牕燈影夜觀書茶經未展愁先醒藥錄才看病已除所欠  
短欄晴景好拆桐花月共扶疎

喜鄉友來

蕭蕭春夜雨有客渡江來世事攢眉說鄉談信口開晚肴  
供苦筍時果薦新梅甚欲澆離恨呼燈撥酒醅

春寒

料峭東風破客衣春寒不比臘前時絕憐牆角櫻桃樹全  
似梅花雪後枝

昌國縣普濟寺小亭

鯨海中流地龍峰小洞天亭高先得月樹老久忘年大士  
居鄰境閒僧指便船若爲風浪息更結補陀緣

春情四首

樓頭上馬苦匆匆百計相留無計從正好看花郎却去江  
邊春色爲誰濃

天涯海角水雲寬人在吳頭楚尾間彈徹箜篌難寄恨海  
棠庭院獨凭欄

溪院沉沉照落暉寶香熏徹舊時衣一春行樂誰爲伴羞  
見花前蛺蝶飛

鬪艸歸來上玉階香塵微澹合歡鞦全籌贏得無人賞依  
舊春愁自滿懷

晚春卽事

輕烟終日鎖樓臺細雨絲絲半溼苔杜宇一聲青嶂外谿

流時送落花來

蕺山戒珠寺寺王右軍故居也

葉葉東風吹客衣昌安寺裏晚遊時欹斜竹屋羲之宅磨滅經幢帥府碑佛化是誰留實相鵝亡猶自見方池逢僧小作煎茶供畧問源流笑不知

冬日卽事

江上凝冰約水痕門前殘雪綴溪雲杖藜獨立梅梢月成就清寒到十分

訪銛樸翁不遇二首

亂花飛絮趁長髯來訪西湖竹裏菴行盡白雲三十里詩人又在白雲南

乘興尋僧入翠微山中無限野薔薇主人不見從誰賞折得繁枝自挿歸

聚景園口號二首

淺碧池塘連路口淡黃楊柳護欄牙舊時歲歲春風裏長見君王出看花  
竹影參差臨斷岸花陰歷寂浸清流遊人難到闌干角盡日垂楊蓋御舟

恭跋思陵宸翰拓本卷後

淡黃越紙打殘碑盡是先皇御賜詩白髮內人和淚讀爲曾親見寫詩時

山行卽事二首



落盡桐花春已休，過牆新竹籜初抽。山行步步黃泥滑，小立溪橋聽雨鳩。捲地東風晚更狂，櫻桃吹子落泥墻。谿雲自爲催詩黑，忙殺條桑窈窕娘。

寄林徵君

老無閒事上雙眉，問著窮通盡不知。兩鶴忽飛因客到，一牛方病得妻醫。案頭幾卷陰功錄，壁上諸家勸世詩。見說今年公八十，鬢邊才有數莖絲。

曉行

跨馬登長路，聞雞度遠關。水光斜漾月，雲影倒蘊山。人迹霜橋外，禽聲烟樹間。自慙林下客，清夢未曾還。

三峯廢寺

荒林依約舊山門，秋艸離離故迹存。雙瀑有聲傳宿雨，一龕無地住閒雲。蠅沿壞壁丹青古，龜負殘碑字畫昏。三歎廢興誰可問，亂鴉鳴噪自成羣。

下塘二首

河水新添三尺高，河邊蘆葦有龜巢。波流夜夜飄漁箔，空點籃燈照樹梢。日出移船日又斜，蘆根時復見人家。水鄉占得秋多少，岸紅雲是蓼花。

行淮

老翁八十鬢如絲，手縛黃蘆作短籬。勸客莫嗔無凳坐，去

年今日是流移

蘭亭

老來渾不愛春遊來對蘭亭爛熳秋亭下水非當日曲山  
前竹似舊時修二三客子因懷古八百餘年續勝流試與  
山靈論往事不知還肯點頭不

贈丁子植撫幹

幕府歸來赴調時清聲籍籍滿京師真如白壁藏奇石判  
得黃金博斷碑借宅先尋籠鶴地買盆權作養魚池客中  
高致猶如此明日還山樂可知

天章寺

地勝秋清人欲仙倚欄時節月初圓不知寺在烟霞表但

覺身臨星斗邊寶墨舊歸天上去高名今向世間傳登臨  
莫作匆匆會去後重來又幾年

天衣寺

萬壑千巖非浪聞十峯雙澗不須論袈裟旋化空王服宮  
觀曾招帝子魂山向馬頭回禹穴谿分燕尾入雲門秋行  
既了登臨願艸艸題詩對綠尊

毅齋鄭秘書道山領客

羣玉堂前春晝陰主人領客步清溪上方圖書無真贋東  
壁詩書有古今手轉玉璣看測日指揮金井試爲霖山翁  
不作蓬萊夢但願時來洗此心

元日

長憶兒時二老傍元正歲歲有風光  
攬先禮數修人事著好衣裳侍酒觴  
回首不堪追日月感情空歎換星霜  
尚期我老如親老却看兒童作節忙

重五日懷舊

獨守空庭日欲晡滿斟濁酒不須沽  
白頭兄弟三年別青眼交遊一字無  
醉看葵榴懷舊事饒思櫻筍夢吾廬  
向時癡絕今愁絕自讀離騷些老夫

贈番陽程克已

見說番陽有老程與人懷抱亦分明  
一千里外未識面二十年間長慕名  
因聽酒邊談舊事便從客裏定交情  
他時我老君猶健海內重逢卽弟兄

初聞雷聲

二月寒猶在春雲溼未開灑牕終夜雨  
發軔數聲雷薺麥綠生腦棠梨紅拆腮  
西湖花事動從此日裴回

靈巖寺

天柱峯高逼太清靈巖端足擅高名人  
間有石皆奴僕天下無山可弟兄樵徑  
雪淡多虎迹清谿風暖盡猿聲客身元  
是山林種見此如何不動情

秋夜

小屏相對兩眉攢長夜迢迢不肯殘  
鼠向燈前窺坐卧人從夢裏說悲歡  
故山無計行秋晚客路從誰守歲寒  
畱得濁醪相慰藉酒腸猶喜十分寬

寄王仲彝仲彝留三衢久不歸省因以箴之  
別君三見雁南飛夢裏相逢覺又非書去不知何日到人  
來先問幾時歸正堪燈火親書卷莫遣塵埃染客衣二老  
倚門知己久交情於此亦依依

李將

自小在行伍得官因用兵籌邊頭髮豎入陣骨毛輕戰馬  
惜如命寶刀都有名酒酣常罵坐嫌客話昇平

無錫縣春日

吳楚新岐路江湖舊散人放船來古縣沽酒供閒身花卸  
一邨雨鳥啼千樹春野塘風捲地無復見芳塵

常熟縣破山寺

古縣滄浪外精藍縹緲間木枯曾閱世龍老解分山鳥道  
秋迷迹禪房晝掩關詩成遊子去流水自潺潺

曹娥浦泊舟

夜宿曹娥浦停舟是幾更聞鐘知寺近聽鶻信潮生風向  
沙頭起天從柁尾明夢回無意緒兩岸杜鵑聲

拜林和靖墓

玉函香骨老雲根占斷孤山水月邨薦菊泉清涵竹影種  
梅地冷帶苔痕生前已自全名節身後從誰問子孫惟是  
年年寒食日遊人來與酌清樽

多景樓

一帶青山欲盡頭精藍淡處著危樓下無餘地容車馬止

有重欄接斗牛鴉落野田長趁晚鴈沉烟渚最宜秋江南  
好景從來少北望空多故國愁

賞心亭

江亭如倚釣魚磯面面雲欄勢欲飛西望汀州依白鷺東  
連巷陌接烏衣六朝更代人何在千古興亡事總非客子  
猶憐風景好倚闌長是欲忘歸

夜過馬當山

獨載詩書趁野航自憐漂泊度時光殘年準擬登牛首連  
夜匆忙過馬當古廟荒寒江浸影斷崖淒慘石凝霜壯懷  
未分甘衰老回首長淮恨更長

送方秋崖

忠言歷歷未曾行盡載圖書出帝京餘子但知才可忌先  
生當以去爲榮門闌竹石關心友部曲溪山照眼明長嘯

歸歟莫惆悵浙江風定自潮平

時人謂與劉改之  
送王侍御詩匹敵

喜杜仲高移居清河

稼軒爲仲高開山  
川仲高有辛田記

笑攜雞犬入城居無復遊從嘆澗疎河水通船堪載酒桐  
陰近屋可修書飯香猶憶辛田米羹美何慙丙穴魚我亦  
買山湖上佳効芹時擬貢園蔬

自題信天巢

有序

容齋五筆載瀛鄭二州之境塘灤之上有禽二種  
其一類鴟色蒼而喙長凝立水際不動魚過其下  
則取之終日無魚亦不易地名曰信天緣其一類

驚奔走水上不分腐艸泥沙必盡索乃已無一息  
少休名曰漫畫均度一日無饑色而反加壯夫二  
禽稟性不同如此予每讀之竊有感焉因榜其所  
居曰信天巢正甫老於文學爲余作記故併刻諸  
集中

信天巢小僅容身中有圖書障俗塵不與世爭閒意氣且  
隨時養老精神破鑄安穩齊鐘鼎短褐參差比縉紳渴飲  
三杯饑二飯主人日用未爲貧

靜對

靜對爐烟一縷霞謝天成就淡生涯安排瓦硯臨章艸收  
拾甕瓶插鄭花莫問家儲無擔石休嫌人事似團沙三杯

竟醉醒時晚卧看春雲送日斜

無計

無計留連日爭來斷送春落花終日雨流水一溪雲山鳥  
呼名急林梢著色新詩成真漫興吾懶事因循

喜南仲姪來

自從清曉到黃昏閑坐閑眠淡閉門猶子雨中來息擔老  
夫燈下起開樽故山墳墓何人守舊宅園亭幾處存問答  
恍然如隔世若非沉醉定消魂

清明日對酒

南北山頭多墓田清明祭掃各紛然紙灰飛作白蝴蝶淚  
血染成紅杜鵑日落狐狸眠塚上夜歸兒女笑燈前人生

有酒須當醉一滴何曾到九泉

趙忠定公帥蜀時題雪錦樓有扁舟衡岳問歸程之句後人以爲識題跋者甚多邵使君以墨本見贈敬

書其後

九鼎重安國勢牢功名易辦謗難逃手扶日月掃雲霧身在江湖直羽毛雪錦詩成如識兆金滕書啟見勤勞紛紛論定知忠定不負中朝兩字褒

客枕

客枕眠僧舍巍然鶴髮翁事如前日異心與少年同一夜送春雨五更臨曉風夢回思往事愁在不言中

度仙霞嶺

盡日度仙霞西風吹鬢華乍寒慙白苧臨晚見黃花山險全無路溪晴半是沙嶺雲逢宿處斜日帶棲鴉

廬山道中

沿路梅花管送迎廬山初別雪初晴若無急事相驅役有酒人家便不行

采石

采石興亡地聲名宇宙齊山眉間吳楚江口折東西今古多遺恨英雄幾噬臍征塵何日盡北望轉悲悽

嘆息

嘆息閑身不自如長年借屋客中居事多只爲人情熟貧甚還因世法疎兄弟候歸應有夢交遊散去更無書攢心

萬感爭催老白髮蕭騷欲滿梳

拜尹和靖先生墓

先君受業先生之門

和靖祠堂在半邨敬瞻遺像憶師門洛中雖去名猶重吳  
下曾來道益尊言立豈徒規後學書存端可識真源瓣香  
再拜公應鑒自愧傳衣忝嫡孫

經李謫仙墓

蕭蕭高塚倚雲根父老相傳太白墳白骨定隨風月冷青  
山常共姓名存平生出處猶如見一死浮沉那可論客子  
開元書記後故來澆酒些清魂

輦下酒市多祭二郎祠山神

簫鼓喧天鬧酒行二郎賽罷賽張王愚民可煞多忘本香

火何曾到杜康

重陽述懷

年年客裏過佳期時節難逢莫皺眉酒量且爲重九盡杯  
行不必再三辭登高興懶詩仍賦懷古情淡淚自垂縱使  
西風落烏帽黃花猶戀鬢邊絲

歸來

歸來成倦客隨分樂閒居供佛換新水課兒溫舊書已荒  
三徑菊且種一園蔬來往多隣舍餘無長者車

秋夜遊無量院

僧閑甘寂寞寺古絕紛華鳥摘過牆棗猿爭守樹楂雨多  
溪沒井藤老蔓綠色莫坐庭前石怕傷苔蘚花



破屋

破屋三間書五車一翁醉髮老髭髻蕭牆甚窄難栽竹艸  
地雖平不種花井淺自能供日用樓高誰怕被雲遮過門  
人問何人住題扇橋西百姓家

雜興

短帽輕盈出晚巒兒童夾道競來看老夫何足驚人眼爲  
有猿猴把釣竿

冬日書懷用正甫韻

慣將雙手托虛空歲事雖窮道不窮身健不知行路遠心  
安還與在家同客攜酒至一樽綠兄寄書來三印紅看罷  
兄書斟客酒閑愁無事置胸中

挽陳復齋二首

封章字少納忠多袖疏前陳無奈何但得中天行日月不  
愁平地起風波臺官論罪終投筆山賊聞名亦倒戈惆悵  
脊梁如鐵硬天奚忍使闕山阿

憂世心勞鬢易斑笑顰還與世相關秋霜烈日君臣際和  
氣春風母子間學道期傳千載統獻言先辦一生閑堂堂  
仰止人何在只有名如不動山

桂

玉蕊琅玕樹天香知易薰露寒清透骨風定遠含芬

對菊三首

白白黃黃白歲寒詩翁但作菊花看牡丹茉莉非吾事自

是時人被眼瞞

親向東籬手自栽夕陽小徑重徘徊花應得似人乘覺過  
了重陽爛熳開

愛花千古說淵明肯把秋光不似春我重此花全晚節賸  
栽三徑伴閒身

贈相士錢子章

先生受命聖明朝鳳詔欣然脫錦袍流落子孫從有失等  
閑軒冕未容招家貧術不因錢賣勢合平生爲酒豪近日  
人間能食肉請君着眼看班超

謝人惠書籍

曾問韋編策重勳羣書分選張吾軍標題濟楚令心賞字

畫分明慰眼昏棟架有時防鼠齒莊家無力買香薰不如  
隨處堆牀几檢閱時時似對君

謝張致遠嵩嶽圖

先世前蹤不可追君從何處得全碑上橫嵩嶽幾千丈下  
列齊公二四詩室號揖仙懷舊事庵名面壁認頽基青瓊  
真是吾家物欲以瓊瑤厚報之

過平原故相宅

拂曉官家簿錄時未曾吹徹玉參差傍人不忍聽鸚鵡猶  
向雕籠喚太師

雨中

霍地春歸喚不磨客中容易鬢星星漫山風雨櫻桃紫繞

屋烟雲薜荔青姑惡恨誰能自苦子規催客厭人聽閉門  
獨坐難拋酒生怕離愁到短屏

挽章朋舉

相逢便拜十年兄自此交遊得盡情  
艸紙鈔書傳遁甲竹箭沾酒命添丁  
他時結屋期來往今日登門隔死生  
從此苕溪明月夜小舟不復爲君停

春夜

小牕兀兀守更殘案上詩書亦懶觀  
頻剪燭花聽夜雨盡垂簾影隔春寒  
破除夢幻從頭了安置身心向下看  
老子靜中消日月全然不是客長安

楊花

萬縷千絲拂水濱盡催飛絮送殘春  
風前輕薄佳人命天外飄零宕子身  
繞路鋪時成素毯就泥沾處襯芳塵  
江頭雨過遺蹤盡畱得柔條折贈人

秋興

老去無心世事輕但從景物畧關情  
曉看鴈陣驚秋晚夜聽鶴聲知月明  
石鼎鬻茶論水晶土牆題字記花名  
出門更自有真樂閒向通衢穩步行

山行卽事

籃輿破曉入山家獨木橋低小徑斜  
屋角盡懸牛蒡菜籬根多發馬蘭花  
主人一笑先呼酒勸客三椀便當茶  
我已經年無此樂爲憐身久在京華

靈鷲寺

靈鷲名山萬古名幾回無事遶廊行殿前流水晴猶急塔  
上春雲晚自生鶴傍經牀聽梵語鳥窺齋鉢候鐘聲我來  
借得團蒲坐歸去閒眠夢亦清

老將

垂頭終日坐當門兩臂蒼龍隱墨紋笑捩白鬚傳陣法手  
攤黃紙說君恩中年主帥皆爲鬼晚歲虞兵見領軍每勸  
兒孫學刀箭解衣教看舊癥痕

秋夜書懷

明滅孤燈縹緲香沉沉更漏隔宮墻秋風倦客家千里夜  
雨懷人天一方世事從他多齟齬生涯如我亦淒涼亟須

喚酒消長夜休夢黃花繞澗傍

投老

投老纔營一把茅前臨官路後林坳最憐鷄犬無隣舍好  
放牛羊有近郊春韭採來勝市食秋鱸畱取續山肴吾廬  
誰道難尋覓古樹排門盡鵲巢

虎丘寺

西出吳門步屨輕浮屠喚客入山行石從試劔何年裂池  
自通泉盡日平烟徑遠傳僧磬響雲龕淡鎖佛燈明移舟  
更宿楓橋寺要聽疎鐘半夜鳴

焦山

山擁中流翠作堆四圍竹樹鬱崔巍殿前雲向欄牙出門

外潮從海口來乞食僧歸齋鼓動打碑人去渡頭開焦公  
羽化將名迹付與瞿曇口壯哉

蛾眉寺

千尺懸崖巨浪撞危亭高峙對微茫遠峯凝黛雙蛾澹流  
水連雲一帶長日落江容難可畫天寒山色不成粧停舟  
欲試登臨眼北望青烟欲斷腸

凌歊臺

宋祖高臺山上頭三間破屋蔽層丘離離荒艸迷行殿漢  
漠寒沙擁故洲塔影遠招孤客恨江聲長替古人愁題詩  
自舊知多少清絕難磨許郢州

三峽橋

倦遊華髮冷蕭騷長夏來登三峽橋山吐溼雲何日盡溪  
流凍雪幾時消陸公泉在猶堪汲五老峯高不易招客子  
倚闌思羽化未仙衣袂已飄飄

雪堂

勝地從來迹易陳東坡日月久猶新小橋曾壓歸時雪老  
柳長搖別後春城郭寥寥懷獨鶴江山歷歷見斯人吾生  
較晚空惆悵夢想陳潘結舊隣

竹樓

老竹平分當建瓴小樓從此擅高名地連雲堞登臨穩欄  
俯晴江夢寐清一記自能追正始三間誰與續咸平濤音  
日日烟中落依約焚香讀易聲

八月旦日永定寺作

呈方不甫

蕭然一室坐清虛又見西風到客居老去身心便懶惰人  
來情意任親疎從僧借地秋移菊與佛分燈夜讀書幽事  
復爲行計奪去畱端的合何如

小樓

小樓終日脫冠巾白髮蕭疎不受塵雖是客身猶足樂苦  
無世界未爲貧家書遠寄憑遊子郎報頻看念故人自歎  
此心清似水爲宅閑事惱天真

清明日約宋正甫黃行之兄弟爲東湖之集

自在嬉遊遍四方不曾孤負獨春光醉眠芳艸衣裳冷笑  
嚼名花齒頰香旣是烟霞令久住豈應風月斷來章故人

尚有閒情否相伴湖邊舉一觴

過方孚若寺丞故廬

詩境園林萬柳間四圍秋艸帶愁顏樓臺寂寞鼠成穴巖  
石崔巍蝨負山三徑昔嫌前輩窄一區今欠此翁閑客來  
莫怪匆匆去萬感催人鬢易斑

宿囊山寺

小泊囊山古化城山林端足擅高名樓臺影外秋風老鐘  
磬聲中夜氣清客子情懷宜淡薄主人言語亦分明只應  
海月堂前境從此江湖有夢成

潛夫約中途遣詩相送至江山無耗寄詩督之

望詩十步九回頭目斷江山望未休所幸臨行曾舉似僅

能記憶可遮羞碧雲漏日邛邛雨紅樹吟風葉葉秋不見  
夜光生歇處客身却恨欠遲留

門徑

門徑蕭然獨自居入無給侍出無車江湖故舊音塵絕里  
巷游從酒盞疎豪舉已拋三尺劍神交惟有一牀書吾兄  
白髮家空谷歲晚燈前最憶渠

清明日招社友

面皮如鐵鬚如絲依舊粗豪似向時嗜酒更拚三日醉看  
花因費一春詩生前富貴誰能必身後聲名我不知且趁  
醪醑對醺醑共來相與一伸眉

感懷二首

漂泊南州又過年恰如杜子客鄜川酒堪度日難爲醉詩  
怕傷時未可傳店舍無烟兵火後街坊有月試燈前荒涼  
古驛聞吹笛老淚縱橫落枕邊

行過千山復萬山不應蜀道若爲難數莖髮向殊方白一  
寸心從故國丹弓軟臂無三斗力杯淡量欠十分寬粗豪  
到了非吾事只合家居度歲寒

同劉潛夫登烏石山望海有懷方孚石柯東海陳復

齋舊游

念念思歸身欲翰舊題無暇遍尋看故人盡入黃泉路遠  
客空登烏石山休起癡心乘九鯉莫勞病眼望三韓神仙  
未必知吾事道在何妨兩鬢斑

仙遊何氏兄弟九人各乘一鯉飛昇

懷安王宰索得助詩奉題一首

亭在唐賢好句中  
闌干六曲盡春風  
不知脚下是官府  
但見面前如渚宮  
江水逢潮音激切  
山雲因雨思溟濛  
主人雅興居詩外  
花影琴聲事事工

清明日延平道上

自從閩嶠至延平  
試問歸途第幾程  
人向烟嵐淡處出  
鳥依雲樹密邊鳴  
潤沾破屐春泥滑  
寒入征衫曉雨晴  
多謝山家插楊柳  
報儂今日是清明

秋陰

冉冉日將暮  
蕭蕭秋欲殘  
浮雲低閣雨  
宿霧密藏山  
扇覺輕蒲重  
衣嫌細葛單  
更交一寒暑  
精進獨衰顏

富陽縣秋日

古井梧桐老  
平田穰稔收  
雞豚百里社  
砧杵十分秋  
乾鵲催歸興  
寒蟬喚客愁  
銜杯憶霜蟹  
沙尾莫停舟

小樓夜雨

心懶緣忘世  
身閑爲不才  
客愁隨病散  
老眼共書開  
嗜酒有天戒  
愛花無地栽  
小樓風雨夜  
還我鼻如雷

建昌道上

凜凜北風勁  
行行西路賒  
客情甘淡薄  
世事苦參差  
酒易逢知己  
詩難遇作家  
林間數點雪  
錯認是梅花

隆興借東湖驛度夏雜題

西風來幾日  
荷葉早衰容  
百感聞秋笛  
孤吟答晚鐘  
事能



如意少酒不教愁濃憶著尊鱸美家山隔幾重

春日雜興二首

欄鈴奏曲響珊珊盡日重門不啟關多插瓶花供宴坐爲  
渠消受一春閑

春歸門巷靜淡淡老去無情不彊吟風絮入簾晴晝永白  
燒香餅試花沈

雨中

濃雲漠漠雨飛飛不放東風取次吹先自一春晴意少那  
堪梅子欲黃時

山堂卽事

杜鵑聲裏桐花落山館無人晝掩扃老去未能忘結習自

調濃墨寫黃庭

秋夜

老去驚秋白髮添不禁涼吹逼疎簾樓高幸自蛩聲遠爭  
奈梧桐又傍欄

孺子祠堂

三間官屋老湖濱孺子名聲日日新下榻本非天上事後  
人空自愧前人

西湖二首

淺水搖船冷戛沙平林暝色接棲鴉湖邊老樹垂垂白半  
是梅花半雪花

老鶴無蹤野鴨飛鳴琴聲裏畫船歸傷心舊日經行地不

獨人非物亦非

鬱孤堂

十年重上鬱孤臺帶得江湖白髮來  
滿眼青山舊相識晚鳥羣噪莫驚猜

登臨猶覺酒邊豪往事新愁付一陶  
淡淺不常章貢水崆峒只似舊時高

澗旁菊花

歷寂黃花老澗旁不因風雨減清芳  
從教衰謝隨秋艸到了能全晚節香

更有詩人窮似我夜淡來共紙衾眠

同周晉仙夜宿句

宋十五家詩選

東海陳訏輯

方岳

字巨山祁門人紹定間為別省第一登徐元  
杰榜進士累遷至吏部侍郎前以史嵩之喉  
論罷歸後以丁大全喉論罷下郡中以賈似  
道之幼兩調邵武軍先是范杜左右相得博  
士之除自宗博遷秘書郎宗正未幾范去遂  
出為淮南開叅議官兼權工部而一出不可入  
矣昔人序其生平云不與使相之求廉也不  
應客將之請重也不入淮開之幕介也不准  
荆闢具折而還其文剛也錕舟橫境而榜之  
百嚴也廷對不諱鯁也宋史雖不具載然亦  
足以想其氣節矣

秋崖詩工於琢鏤清雋新秀高逸絕塵挹其風致始如雲中白鶴非塵網所能羅也

小集垂絲海棠下

春風定何物所至成芳妍  
墻陰樹樵悴寧識歲月遷  
今晨

步吾屨珠纓粲紅鮮餘醒不勝扶背面低晴煙風日不貸  
人坐恐隨翩翩強起從吾游一笑俱嫣然

南窗偶書

西風忽淒厲皎月流素光客從何方來蘭佩芙蓉裳揮琴  
發哀彈夜寂山蒼蒼可人者麴生挽我無何鄉醉中眇萬  
物拄頰歌滄浪

畦菜

踏雲課園丁趁雨鉏菜甲土甘春繞畦煙重曉携鍤母令  
蔓艸滋旋拾枯篠插詩腸風露香碧脆已可指誰言庾郎  
貧未覺三韭乏那知世有人猶嫌萬錢狹

次韻久雨

老我不解事束書別溪堂寧知十日雨換此兩鬢霜苔滑  
蟻爭席雲蒸蝸篆梁移牀夜避濕仰見天隙光長安亦何  
好肯墮聲利場人情愛吾廬對此良自傷蚤知一官誤悔  
不三徑藏沙背竹萬箇屋頭木千章晴當相與屐雨亦可  
以觴母令鼃黽曹張王喧我傍

八月十四夜對月

澄空四無雲明月如凝霜坼中南窗下領略今夕涼鴟夷  
渴生塵風味不可忘欲上排九關箋此世故忙百年幾今  
夕今我持空觴竹君自可人清影飛度墻挹彼風露姿浣  
此冰雪腸明當醅甕熟春溜翻糟牀良夜難虛拘當復會  
此堂所不償予言有如明月光

簡劉尉

秋風昨夜起碧宙已澄穆肯乘雞棲車遠過蝸殼屋縱無  
二頃秫亦有兩窗竹喜逢諫議面未負將軍腹燈寒一夜  
話夢破十年讀貧味故自佳柔蔬雨中綠  
與胡子安眺雲牀  
共搜括中奇邂逅瘦筇兩溪甘茶自香雪盡梅更爽硯寒  
了佳娛林迴答幽響日暮僧不歸山雲自來往

蝨室

室中度以几其修去尋一廣長尺而羸崇爲咫尺者七牖一  
以爲明瑾三以爲密不供竝橫肱所貴劣容膝蠖屈忘春  
霆龜穹美朝日元冥方用事萬木僵欲慄窮陰易中人戒

子謹無出於時則然耳天者儻可必相爾室外寒磚爐坐  
捫蝨

汪運幹容安齋

筆峰插天碧其下可以廬誰與半間雲共此一束書君看  
柴桑人自愛松菊居北窗天地寬不受世卷舒脫巾漉老  
瓦高枕眠華胥日月兩車轂乾坤一籟蔭是身亦安用吾  
膝猶自如煙波健跨犢蘇石寒緝漁農人告春暮山月隨  
歸鉏尙堪抱文度談詩到黃初謹母屈聲利望塵拜軒車

新晴

久雨村仍暝新晴物自欣蝶翎穿戶過禽哢隔溪聞野逕  
忙穿屐山泥儘濺裙柳垂春寂寂花落雪紛紛半月風雷

電四郊煙水雲，  
畫圖寒不捲。  
林壑遠難分，  
好在魚蝦侶。  
甘同鳥獸羣，  
塢深藏曲折。  
竈冷鬱氛氲，  
野碓多春藥。  
山苞少膳葷，  
瓶儲徵士粟。  
澗煮野人芹，  
美可冰羹茹。  
香惟瓦甌饋，  
鷹芽長及寸。  
貓笋重兼斤，  
澹泊諳貧味。  
烹微策睡勲，  
意行隨遠近。  
高臥送朝曛，  
原隰桑麻沃。  
衡門卉木熏，  
隱居捐世累。  
處士應星文，  
詩憶春池艸。  
書忘秘閣芸，  
桐孫涵古色。  
栢子吐奇芬，  
載籍悲千古。  
枰棋憇兩軍，  
烏藤同寢飯。  
黃犢了耕耘，  
目爲蠅頭眩。  
肱緣鶴背皴，  
十科曾不補。  
四體正須勤，  
陋巷瓢供飲。  
文窮硯待焚，  
剛腸猶木彊。  
皴面自靴紋，  
夜帳猿孤憤。  
山籬犬怒信，  
怪哉空復咄。  
老矣尙何云，  
我亦輕餘子。  
人誰愛此君，  
避諠方匿影。  
走俗枉勞筋，  
日月雙飛鳥。  
江

湖一聚蚊相携聊醉去，  
酒不到劉墳。

秋江引

水天一色磨古銅，  
落日欲沒蘆花風。  
雙飛野鴨忽驚起，  
漁歌漸遠秋江空。  
煙波渺渺無終極，  
中有江南未歸客。  
短篷夜泊州渚寒，  
孤鴈橫江聲正急。

觀魚

林光漏日煙霏濕，  
鷓鴣族立春沙碧。  
湘竿擊水雪花飛，  
鷓鴣沒入春溪肥。  
銀刀撥刺爭三窟，  
烏兔追亾健於鶻。  
搜淵剔藪無噍類，  
餘勇未厭心突兀。  
十五五斜陽邊聽呼名，  
字方趨前吐魚筠。  
籃不下咽手摔瑣，  
碎勞爾還嗚呼奇哉。  
子漁子塞上將軍那得爾。

次韻採菌

秋崖不慣太官肉雪屋爲出齋房芝山靈頗憐世味薄風  
格略與詩情宜菘膳何但退三舍蕨拳恨不同一時自尋  
墮樵了幽寂豈料枯枿能神奇羣仙餐霞吸沆瀣豪貴蒸  
乳盛琉璃磚爐石鼎煮飛瀑此妙勿令渠輩知

春盤

壬子

萊菔根鬆縷冰玉萋蒿苗肥點寒綠霜鞭行茁軟於酥雪  
樹生釘肥勝肉與吾同味葍絲辣知我長貧韭菹熟更蒸  
菹壓花層層略糝鳧成金粟粟青紅餽飢雜梅柳紫翠招  
邀醉松竹擎將碧脆捲月明嚼出宮商帶詩馥賜幡羞上  
老人頭家園不負將軍腹人生行樂未渠央物意趨新自

相續五十三翁日落山三百六句車轉轂不妨細雨看梅  
花且喜春風到茅屋

次韻劉簿觀雪用東坡聚星堂韻禁體物語

江臯黯黯飛雲葉淅瀝破窗鳴急雪亂飄密灑寒正苦低  
唱淺斟癡亦絕凍吟可但筆鋒健醒狂不覺展齒折留連  
急景聊從容俯仰幻塵空變滅舒眉一笑各雲散轉眼百  
年如電掣風凝光眩眼欲花酒帶潮紅臉生纈劇誇陶語  
何區區等與謝吟爭屑屑醉翁出令凡馬空坡老揮豪風  
燕瞥兩公仙去各已久一代風流尙誰說吸鯨今夕不可  
辭醉中有句錚如鐵

中秋

月出未出山蒼蒼明毫倒射生寒芒光搖林彩已奇怪月  
時猶在青山外一杯兩杯呼出來仰天喝雲雲未開水輪  
碾上何人推天涼如水青如苔不知今我何如哉水撐雪  
拄霄崔嵬欲飛上天斟斗魁手取蟾蜍探撥醅醉眠老兔  
秋毯毳下視茫茫青作堆今人不見古時月古月長照今  
人哀繇來今古一丘貉安用老淚成瓊瑰如此佳月能幾  
回搔吾髮已霜皚皚李白如在三百杯與騎鯨魚游九垓  
鄭總幹致盧管筆

中書采邑初管城笛材飽霜搖綠雲春煙落紙黑蛟瘦不  
可一日無此君九華真人出奇計笑指秋江雪無際并刀  
失手劉寄奴爨餘得與詩爲地雙鉤入握如虛空飄飄輕

捷翻羣鴻翰林夜召陶學士艸制進封盧國公

豆苗

江南之筍天下奇春風匆匆催上籬秦郵之薑肥勝肉遠  
莫致之長負腹先生一鉢同僧居別有方法供齋蔬山房  
掃地布豆粒不煩勤荷燵中鋤手分瀑泉灑作雨覆以老  
瓦如穹廬平明發視玉髯磔一夜怒長堪水菹自親火候  
淪魚眼帶生芼入晴雲盃碧絲高壓涎滑蕁脆響平欺辛  
螯薶晚松早韭各一時非時不到詩人脾何如此雋咄嗟  
辦庾郎處貧未爲慣

元日立春

糟牀夜壓眞珠紅摩挲醉面迎春風春來春去無終極能

費幾筋蔓菁菘既無長繩可以繫白日又無大藥可以立  
雙蓬何怪乎玉雪可憐之孺子忽頽然風霜不貸之衰翁  
百年長短一丘貉曾不芥蒂崔嵬胷若夫塞翁失馬楚人  
亾弓此事細甚螭螟同使吾冠冕佩玉於廟廊之上吾不  
見其爲泰使吾披裘帶索於嵌巖之下亦不見其爲窮諸  
賢自作世俗眼此老日飲亾何中春秋獲麟夫子歿本艸  
不自醫神農著書萬古知何用况復起艸明光宮我今併  
欲焚老硯一策鳴雨東臯東

諸公賦翠毛筆因次韻爲羊毛筆歎

髯參軍臥殘陽浦拔毛竟作文中虎金華化石久已陳玉  
署摘辭疾於羽醉猩耆酒少適勁狡兔飽霜工媚嫵磔殘

鼠鬚肯收錄剝落鷄毛誰比數文章諸公多好奇往往得  
名專翰府乃知章聖不世出罕識公孫大娘舞君不見華  
元分羹奇禍作糜身鼎烹竟無補又不見晉宮灑鹽兒女  
曹憤鬱令人噤難吐物生正係遭不遭敢向詞林歎辛苦  
椽書大硯如南溟吾其鵬乎爾鸚鵡

齋宿學宮

竹外一燈青殘書伴古廳葉乾聞雨急山近覺嵐腥多病  
身爲累無心夢亦靈明朝有癡事須到采芹亭

山居

我愛山居好紅欄處處花雲粘居士屨藤覆野人家入饌  
春燒笱分燈夜作茶無人共襟抱煙雨話桑麻



我愛山居好躋攀繚暝煙偃松低可坐橫石劣容眠菊徑  
重陽酒梅花雪後天一筇吾事足與世自無緣人來人  
我愛山居好新篁綠上竿艸蕃侵路狹地濶占雲寬山響  
碁聲濕堂深樹影寒柴門底須掩非意不相干

不寐

不寐何爲者幽居事更稠怯風思鶴冷聞雨爲花愁艸合  
妨遊屐沙崩壓釣舟春篔故無恙欹枕數更籌

不寐何爲者閒人最號忙釀方傳得法詩未足成章藥艸  
霜多損寒蔬雨半荒幸無天下責夔尚在巖廊

次韻話別

一雨桐江滑佳哉月一篷歸猶慙怨鶴悔不蚤冥鴻涉世

書無用尋山酒有功諸人如見問貧耳却非窮

舟次當塗

一似餘杭路寒洲半是蘆客依秋泊听漁帶晚收眾遠樹  
齊於薺平蕪雜似鳧可憐沙上月相見又當塗

寄湯卿

書冊依官屋何如自在身且無山得看猶有竹相隣性野  
回書懶詩癡易藁頻便歸吾已俗往往白鷗噴

送別史僉

二月寒如此君胡不少留夕陽隨水去春艸泥人愁江上  
三年別詩邊兩鬢秋折腰貧尙爾天地一扁舟

解榻

解榻留雲宿山居事事幽長貧吾道在多病此生浮野色  
連溪暝蟲聲滿院秋那知一丁字蚤白十年頭

泊歛浦

此路難爲別丹楓侶去年人行秋色裏鴈落客愁邊霜月  
歛寒渚江聲驚夜船孤城吹角處獨立渺風煙

重陽

古岼維舟夜蕭蕭秋葉丹野煙連竹暗江雨灑燈寒亦喜  
重陽健誰知行路難吾親應念我更把菊花看

秋曉登山

發興在丘林其如老見尋身餘持蟹手脚負看山心秋色  
蒼崖暝曉籬黃葉深唯應負苓者來往古松陰

道中連雨

老屋村春急歸鴉半暝煙斷厓留宿雨野水沒春田昨夢  
山須記幽情鳥不傳也知晴更好艸木已爭妍

再用汪卿韻

畢竟春晴好楊花也送行驛程寒冉冉江樹曉晶晶水長  
船能駛詩多擔轉輕江湖吾倦矣茅屋幾時成

次巖陵

二月寒如此楊花不受春路生尋店早家近夢歸頻白鳥  
無塵事青山自故人幾時茅屋下卜與爾爲隣

次韻秋崖落成

高亭着處出奇峰不枉平生此興濃力士鑄隨狂李白華

陽巾墊郭林宗菊花籬落秋寥廓山市人家翠疊重病起  
不論雙足蠶層巔更欲試詩筇

探梅

穿林傍水幾平章合有春風到艸堂自入冬來多是暖無  
尋花處忽聞香枝南枝北一痕月山後山前兩屐霜直看  
過年開未了醉吟且放老夫狂

與客觀雪

鶴帳奇寒被欲冰開門千嶂雪崢嶸頻年無此豐年玉一  
夜移將不夜城富貴園林行樹密模糊水墨畫圖橫與詩  
小住爲佳耳莫管梅花太瘦生  
肺渴初供醒酒水又思攜客上爭巉十分宇宙無塵事一

色瓊瑤是化城病起未堪論斗醉詩狂且莫到參橫剡溪  
可是恹回棹凍合琉璃作麼生

次韻鄭總幹

過從一笑酒瓶空不是樵翁卽釣翁偶種竹成俱崛強旋  
移花活尙神通前身已化歸遼鶴醉帖猶傳戲海鴻新貴  
少年吾自老世間白髮幾曾公

次韻費司法

有客誰爲數擊鮮西風孤我鴈聲前酒無多酌何如醒詩  
不能多莫浪傳秋色淡於人寂寂桂花香得月娟娟五經  
不到山翁腹且聽便便引老邊

輪棋

半崦山雲舊艸堂烏啼花落幾平章酒無賢聖同歸醉風  
有雌雄各自涼賴與鷗盟同保社不隨蟻垤夢侯王未償  
詩債逢棋敵誰信閒人最得忙

感懷

野曠風高一欠伸平生俯仰已成陳老天無意獨窮我直  
道有時能誤人悔不可追身是膽怒何堪觸腹生鱗忍饑  
罷乞祠官祿只麼扶犁亦幸民  
四壁空空長物無松風之外復何須竹夫人爽夜當直木  
上座臞新給扶老去雲山空跌宕秋來風月不支吾何人  
能敗吟詩興自在成章不欠租

次韻行甫小集平山

欲將春睡了春閒誰遣楊花點暮顏世事不如眠白墮人  
情何啻抵黃閭茫無措手句中句悔已噬臍山上山蚤晚  
定編長慶集併教傳寫落烏蠻

又用韻

客愁聊以酒防閒非復春風桃李顏北望未忘諸老在中  
興已是百年間非無煙雨無奇語自有乾坤有此山楊柳  
豈知典廢事夕陽依舊舞腰蠻

勸耕

歸歟我亦耦耕人麥隴桑畦意自親纔出郭收連日雨已  
拚花負一年春農安用勸村村急文不須工字字真自是  
非材頭白盡不綠方寸在吾民

又用胡尉韻

便覺尋春負一籌老懷無復少年遊  
茶桑天似鷲黃酒楊柳花飛狐白裘  
試問獨醒觀衆醉何如一笑失千憂  
不知多少人間事付與溪聲自在流

報具闕

百不如人且罷休又攜書冊上孤舟  
歸歟雅有一黃犢愧甚向來雙白鷗  
但得濁醪供燕社不妨明月老菟裘  
研冰自補山人處莫爲區區費廟謀

採蕨

野燒初肥紫玉圓枯松瀑布煮春煙  
偃徐妙處元無骨鈎弋生來已作拳  
蚤韭不甘同臭味秋蓴雖滑帶腥涎  
食經

豈爲兒曹設弱脚寒中愁未然

小集次韻

纔能詩便不能閒與客提壺且看山  
紫翠夕陽煙漠漠綠陰深樹鳥關關  
酒杯不負林泉約春事已非桃李顏  
我醉欲眠君莫去竹間自有月三間

十二月十日

酒醒開門雪滿山徑穿疎竹上危欄  
溪山與我俱成画艸樹惟梅大耐寒  
留伴夜深銀鑿落莫緣春近玉闌珊  
老枝擎重供詩嚼一洗相如渴肺肝

飯牛

北闕南門各路頭不才多病兩相投  
無錢使鬼貧何害有

句驚人死亦休春意不關花代謝吾生聊與世沉浮接筆  
雙手煙嵐濕笑向前坡飽飯牛

上巳溪汎

舴艋舟輕暖欲酣鷓鴣杓重老何堪風霜兩鬢五十五楊  
柳幾番三月三裊帖又逢今癸丑蘭亭仍是舊東南死生  
政亦尋常事却笑諸賢苦未諳

鑿山爲墳貽姪有詩次韻

著書無復可藏山朽骨何堪定眼觀從左右旋天倚蓋哉  
生死魄月循環虛空身亦爲吾患見在心誰乞汝安試問  
春風舊蹤跡不知天上與人間

老態

看書之眼看山脚二事俱妨可奈渠藥自不能專忌蟹酒  
吾甚愛未浮蛆處人間世每如此微造物遊誰與居衰病  
老來常態耳莫教左右手孤予

復雪

老夫茅屋在冰壺山市人家亦西圖世界空花春勢力神  
僊乾汞水工夫詩情浩浩迷高厚元氣氾氾混有無一夜  
東風天萬里併歸石銚小磚爐

胡得唯索寫近詩

生涯未辦濶疎酒書冊相携檢點梅過眼事真如墮甌向  
人口合且銜枚昨窺古鏡十分瘦病起晴窗一硯埃舉世  
好竿吾好瑟故人猶索寫詩來

歐陽相士謁書詣梁權郡詩以代之

江臯誤洗荷鋤手滴盡滄浪書滿家第一諱窮人謬甚再  
三稱好子虛耶霜眠茅屋可無酒春到梅梢怕有花煩見  
歙州梁別駕爲言詩骨雪槎牙

除夜宿桐廬

才有佳山便歇程島煙汀雨正關情世於吾道亦聊爾我  
與梅花各瘦生無處不曾供夜話有田誰肯廢春耕年華  
俱在客中過只爲天公乞一晴

除夜

挑盡寒燈歲又殘六年彈指幾悲歡人情何管吳江冷世  
路從來蜀道難春酒正須今夕共梅花併作百年看團樂

但得吾親健未辦生涯意自寬

次韻鄭僉判

老我菟裘月一間仁眠黃犢看青山有詩倚竹猿猱逕無  
夢排雲虎豹關城郭是非溪隔斷風煙滅沒筆追還底須  
一局銷長日併不能基方是閒

不論山北與山南是處移將竹兩三亦愛村深工部屋尚  
嫌門對相公潭夕陽歸鳥占花塢山雨飯牛規草庵口掛  
壁從生白醜是中除酒百無堪

一枕羲皇失午熯久知吾道定寥寥客來且撥浮蛆甕事  
過真成覆鹿蕉野性從來便水石此生自合老漁樵移牀  
更入深雲處厥木惟喬厥草天

白菰紫萸更紅蕖不枉平生水竹居醉眼豈知吾是我機  
心亦笑子非魚無能涉世何妨睡有道登山只是徐六月  
好風清樾底付渠天地一蘧蔭  
詩窮不易辦亭材只恁荒寒處處苔種秫便當終老去愛  
花能有幾人來生前儘足竹三迳身外無窮水一杯未必  
諸賢知此意柴門雖設不曾開

雨花臺

孤雲落日倚西風歷歷興亡望眼中  
山入六朝青未了江浮五馬恨無窮  
客愁已付葡萄綠迳雨空餘瑪瑙紅  
我亦欲談當世事無人喚醒紫髯翁

次韻王兄

江分曉色洗征衣吾道非耶儻是歟  
與世無緣傷骨鯁歸田有日放眉舒  
虎頭食肉亦安用牛背看山却自如  
留得荷鋤雙手在儘堪老瓦一軒渠

移飲治城樓

亭臯渺渺葉聲乾更與西風一倚欄  
鸚鵡杯深遺恨在麒麟冢沒暮煙  
寒山如有約欲排闥筆不中書屢  
免冠采菊東籬偶然耳有人傳作  
畫圖看

有蟹無酒

左手持螯欠酒杯枉烹郭索亦寬哉  
老饕借爾爲詩地多病憑誰作睡媒  
歸釣興隨春浩蕩獨醒人與月徘徊  
淵明未必窮於我薄有公田辦秫材



宿耕舍

題詩蘚壁墨花新  
俛仰之間迹已陳  
檢點不同今老大  
受持只是舊清貧  
蓬蓽笠漬班班雨  
荷葉衫枯菽菽塵  
枉廢春鋤成底事  
重來慙見耦耕人

羣宅舊有飛泉湮廢不治予接竹重理之

竹泉重理舊潺湲  
能費亭前玉幾竿  
雲卧半簷晴亦雨  
雪飛六月午猶寒  
野人久有煙霞癖  
官屋何如天地寬  
白傳極知兒戲耳  
一生水石作奇觀

送史子貫歸覲且迎婦也

久任西湖夢亦佳  
鸞朋鷗侶自烟沙  
江行楓葉幾何里  
春到梅梢次第花  
儘有好山容對榻  
却因吾子轉思家  
青燈

書冊夜深雨莫爲乘鸞學西鴉

次韻鄭司理時以掌故贅桐幙歸未能也

二月江南柳正花  
扶携貧病又天涯  
愁予夜雨尊鱸夢  
老却春山笋蕨芽  
太白有苾兵未歇  
殺青無補事堪嗟  
書生迂濶多如此  
不爲吟詩兩鬢華

陪汪少卿遊紫陽次梁倅韻

此行許老亦津津  
連夜催將雪樹春  
溪隔更無塵土事  
山矜便識謫仙人  
雲依欄過香仍濕  
墨帶水磨句轉新  
丘壑自容吾入社  
不論五馬兩朱輪

元日雨

那得工夫作往還  
一犁取日破荒灣  
春今又綠山中草  
酒

不能朱鏡裏顏六十只餘三歲在百年亦是霎時間村村  
雨色冥濛外已覺天公露一斑

人日吳明輔招不往

江湖老我百無堪嬾過紬書太史談雨脚又連人日暗酒  
腸那侶少年酣一生出處龜藏六萬事乘除狙賦三且試  
半篙春水綠南山之北北山南

元夕雪用韻

山蹊一色輕明玉遮盡青青印屐苔元夕不知今日是春  
愁正用此時來年華鼎鼎雙蓬鬢身世悠悠一酒杯好事  
斷無人問字竹門隔塢不須開

泗州之約令君以雨不至次韻奉酬

已料天功作好晴近山初試一筇輕溪平染就縠紋縵雨  
急眠驚瀑布聲醉裏梨花俱瘦盡夢中池艸太愁生未知  
誰是文昌段看得春風亦世情

次韻徐宰集珠溪

山家鳧鷖散平田沙路雲深屐屢穿半醉半醒寒食酒欲  
晴欲雨杏花天春能釀藉如相識柳自風流未肯眠野老  
不知詩思好但言啼鳥亦欣然

僧不須敲飯後鐘自携茶去借松風斬新山色佛頭綠依  
舊桃花人面紅春甕貯冰搖玉螿夜堂烘蠟綴釵蟲山靈  
共欲留人住新月隔溪煙霧濛

乙酉歲遊浙中道聞盜起雪川遂寓珠溪

未到山陰興已闌相傳道路正間關故人坐隔月千里老  
宿肯分雲半間有客誰家無白酒能詩何處不青山一聲  
啼鳥長廊靜花落花開春自閒

有感

桃花紅雨柳花綿風物愁予重惘然滿目江山分楚越舊  
遊池館瑣塵煙朝雲漠漠今安在夜月荒荒空自圓只有  
雪衣孤鶴在竹間曾共聳吟肩

約君用

十日春寒挾雨俱新晴物色總歡娛花曾識面若含笑鳥  
不知名時自呼流水短橋宜画取煖風遲日有詩無儻來  
須蠟登山屐村北村南路欲蕪

春日雜興

殘雪初消月正明茅簷自雨竹窗晴肩寒聳聳吟詩骨肺  
渴冷冷醒酒羹苟有梅方成野趣不多松亦作江聲高人  
合着山巖裏縱有窮愁徹底清

春來多病感頽齡艸藥泥瓶不暫停身似漏船難補貼齒  
如敗屐久凋零炎黃豈解留年壽莊老聊堪悅性靈長劍  
拄頤兒戲耳底須麟閣更圖形

花柳村村柰老何一春門巷斷經過無繩可繫西沉日有  
水皆隨東逝波妄想已空騎鶴夢勞生亦厭飯牛歌正須  
秉燭遊清夜轉眼蘭亭舊永和

幽蹊幾日不曾來半是紅香半綠苔樂事每從忙裏過好

花偏向雨中開，慣貧可使居無竹。高隱共欣山有萊，投老田廬筋力倦。不才多病兩悠哉。

高下雲藏野老家，縱橫水漱竹籬斜。勒將春去許多雨，流出山來都是花。白首風煙三逕艸，清時鼓吹一池蛙。身閑不耐閑，雙手洗甌吹香夜作茶。

南岡北嶺對窗扉，看盡朝嵐與夕霏。社後未曾聞燕語，雨中誰不惜花飛。山醅約莫幾時熟，沙笋輪囷一尺圍。莫怨風光損桃李，荼蘼芍藥又芳菲。

衝雨衝泥處處行，物情殊不可詩情。牡丹又是一年過，春事略無三日晴。先後筍爭滕薛長，東西鷗背晉齊盟。山居寂寞誰堪共，杞蕙菊苗俱可耕。

綠陰芳樹鳥啼春，與客相携發興新。半落杏花初過雨，微酸梅子已生仁。每尋詩去必遷坐，穩跨牛歸不問津。筋力尙堪簑笠在，莫欺老子髮如銀。

山中

山中從事亦賢勞，安得眠雲獨自高。兩席地栽青紫芥，一株樹接碧紅桃。春風多可移花性，夜雨無聲入上膏。那辦工夫到詩在，溪燈穿屋未編茅。

人間久矣倦迎逢，歸路牛羊帶夕舂。千點梅沉山店月，一溪烟咽寺樓鐘。窮猶羞澁巉巖面，老自平夷磊砢曾。笑古人多晚謬，艸庵雖小幸相容。

約黃成之觀瓊花予不及從以詩代簡

杜宇聲中鬢欲華春風將綠又天涯  
欠隨江夏無雙士共看揚州第一花  
想像煙雲人跨鶴淋漓詩句字棲鴉  
蹇驢不管唐衫濕醉兀歸鞍暮雨斜

夢尋梅

野逕深藏隱者家  
岍蒨分路帶溪斜  
馬蹄殘雪六七里  
山背有梅三四花  
黃葉擁籬埋藥艸  
青燈煨芋話桑麻  
一生煙雨蓬茅底  
不夢金貂侍玉華

黃倅饒燬一徐尉饒嶢蚌十同時至

誰饒螯如徑尺盤  
更分燬似惠文冠  
麴生醉嚼玉五鼓  
劍客生翻珠一筭  
我與爾元同蠢動  
寃哉烹亦到蹒跚  
不知南食詩何似  
待問昌黎老子看

熙春臺用戴式之韻

山城無處着鰲頭  
與客相携汗漫遊  
六月亦寒空翠合  
一溪不盡夕陽流  
有蔬笋氣詩逾好  
無綺羅人山更幽  
白雪翻匙秋已近  
洗吾老瓦起相醅

寄至能

江上歸來卽定巢  
墻陰野竹破新梢  
有人問字時相過  
無事觀書手自抄  
世態十年多客夢  
月明千里少朋交  
茅齋亦有秋崖藁  
留與青山作解嘲

山中

此身只合着林泉  
安得纏腰十萬錢  
百事儒無拖地膽  
一生愚似信天緣  
青山有約不知老  
黃犢與人相對眠  
問訊

春簑故無恙亂雲深處更超然  
老去筋骸轉覺衰間忙猶復費支持傍山新接龜頭屋爲  
菊重編鹿眼籬仕宦已忘如隔世力田斷不似逢時北窗  
高臥美無價山鳥竟知吾是誰

獨往

黃冠野服隨孤鶴竹逕松岡共往還不肖避人當道筍相  
看如客對門窮居作計未爲左造物於吾本不慳徑掃  
石牀供晝寢自憐詩骨尙堅頑

趙尉送菜

山雲一塢住山翁菘韭成畦帶雪鬆飛食肉奚關我事乳  
蒸豚亦爲誰供衡茅高枕人間世簑笠歸鋤雨外峰曾讀

坡公萊羹賦斷無塵土到奇骨

太廟齋宿

野煙啼鳥各欣然一枕山籬又幾年不可奈何天有令久  
當已矣世無緣跨牛仰面自橫笛騎鶴纏腰那辦錢蘆葦  
秋聲石橋月只餐荷氣亦成僊

入局

鴈鷺行餘紙尾笳嘶湖老屋壓題籤印文生綠空藏檟艸  
色蟠青欲刺簷茶話略無塵土雜荷香剩有水風兼官曹  
那得閑如此亦奉一囊慙屬厭

儼舍

儼舍真如百漏船一番風雨一騷然從頭避席遍遷坐併

手移書已絕編歎息敢爲三宿戀支吾那得一囊錢世間  
事更多如屋聊復因循過目前

水月園送王侍郎

送別孤山步繞湖闌干盡處倚菰蒲翁之樂者山林也客  
亦知夫水月乎萬事不如歸自好百年聊與醉爲徒藕花  
初醒蓴絲老喚住舂船鱸腹腴

次韻徐太傅

湖山雨過晚雲濕解榻文堂夢亦清秋入黃香金粟粟苔  
侵蒼翠玉莖莖蟲魚枉註書連屋蠻觸令人笑絕纓講罷  
肯同詩保社有如江水敗寒盟

偶題

空煩社友問何如筋力猶堪月下鉏爲米折腰長乞米緣  
書損目苦觀書山翁迂濶每如此吾道寂寥誰與居獨立  
西風人自老枉悲宋玉不關渠

野步

秋風欲下題詩葉午枕初醒破悶茶六七里行溪詰曲二  
三子共酒譁譁乾坤何似一傳舍日月不停雙轉車富貴  
政妨人作樂抵須辛苦問乘槎

次韻

摩挲倦眼風煙上萬木歸根葉已零衰髮不知何事白遙  
岑只是舊時青功名一夢屈伸肘身世百年長短亭莫向  
夕陽多感慨夜寒重勘相牛經

次韻秋夜

雨浥浮梁逗碧紗  
短更催睡不停撾  
一聲鴈帶寒愁過  
八月槎隨鄉信賒  
別後故人頻入夢  
秋來燕子已還家  
相逢却喜詩無恙  
醉墨淋漓黑老鴉

次韻葉兄雲崖

以酒爲鄉墨作莊  
厓寒雲亦爲詩  
怵春山藥艸誰同  
斲雪逕梅花只自香  
竹不礙山青入戶  
蘚綠謝客綠侵牀  
豈無楓葉吳江句  
夜雨何時稻韭黃

得家信

雲凍窗櫺香未殘  
月欹沙渚角聲乾  
相思千里夢初斷  
又是五更霜正寒  
客路不知花代謝  
家書只報竹平安  
詩情

却與山如舊但做吾鄉一等看

次韻山居

孤亭危受衆峰朝  
歲晚移牀借避囂  
梅次第花春漠漠  
鶴相隨睡夜寥寥  
諸公安用怒生癭  
老子豈爲饑折腰  
更入亂雲深處去  
極知與世不同條

諸老鳴靴日上朝  
有人幽處厭喧囂  
江鄉十月稻成熟  
茅屋一燈山寂寥  
天不與生犀插腦  
人今能幾寶圍腰  
從吾所好寧相悞  
洙泗壇荒有玉條

湖上

老藤支我步湖濬  
借與晴光一欠伸  
楊柳得春青眼舊  
山巒留雪白頭新  
鐵琅璫語尋齋鉢  
銀鱗刺肥收釣緝  
緝有兩



黃冠共棋局相携便作所歡人  
易地昭武去之日與家人集新作南門書水鏡壁上  
蓋十一月廿六也

晦庵呼我任山南五老人知百不堪極目無窮江渺渺滿  
頭歸去雪毵毵吾生只可龜藏六世事何如狙賦三政有  
梅花管迎送歲寒行路飽曾諳

約劉良叔觀苔梅

黃昏疎影橫斜月說侶詩人子細看  
蘚樹臥龍鱗甲老霜  
橋立馬骨毛寒共尋雪句心猶苦  
只嚼冰鬚齒亦酸涪老  
未爲知己在水僊畢竟弟兄難

水曹爲骨逋爲髓風雪灞橋誰共看  
千里夢回歸路遠一  
枝春占暮江寒飛飛雨片猶堪醉  
點點晴香亦帶酸雙玉  
瓶乾情正洽與君落筆不辭難

海棠盛開而雨

醉紅睡去不勝扶遮盡丹萼蓋綠蕪  
四立壁成花世界一  
年春在錦磨麻山中富貴遽如許  
詩外豪奢有是夫已與  
婦謀須斗酒不知明日定晴無

又次韻謝司法

風光已是二分時翻覆人間幾局棋  
山雨不容春到眼海  
棠無復曉凝脂情懷未必禽魚識  
歲月何堪駟馬追只有  
荼蘼香似酒等閑開自不妨遲

水仙初花

叢叢低綠玉參差抱甕春  
畦手自治地暖乍離煙雨氣  
歲寒不改雪霜姿太真妃以香爲骨  
虢國人嫌粉浣眉莫道秋崖無造化  
解令朽壤出神奇

次韻程兄見寄

萬事於吾一羽輕未忘情處聖人清  
抵須賦奏長楊館只以詩爲細柳營  
歲月凋零霜後葉交遊聚散水中萍  
短書忽到維摩室未信已寒文字盟

始見臺章彈子面目可憎唇脰可畏

生無燕頰可封侯貧有牛衣可省愁  
老矣江湖雙短鬢悠哉天地一歸舟  
野夫疇昔友麋鹿人世是非風馬牛  
口角雌黃吾豈敢併忘皮裏有春秋

送滕廣叔銓試

廣叔尊公自補入上庠至賜第皆爲上十名

矮屋曾分雪夜燈相期各已上青冥  
得官誰謂非黃甲如我今猶祇白丁  
別久不論清濁酒情親或夢短長亭  
一生科目十名上自有君家舊典刑

謝人致蟹

樵嵐無蟹有監州已負詩腸過一秋  
莫怪淵明便歸去得渠自合老菟裘  
此去江頭只兩程寒蒲解縛便橫行  
無腸政要空虛腹滿貯蘆花與月明

卽事

自刈香秔稅水春旋芻新酒搗泥封  
晚菘種已無餘地不

枉歸田學老農

次韻程弟

一船月自不嫌貧  
伴我荒灣理釣緝  
歸去莫橫深夜笛  
怕驚溪友與山賓  
柴門雖設不曾開  
俗面向人三寸埃  
却是前溪雙白鷺  
門關不住又飛來  
此腹寧須文字香  
漫淹蠶麤半青黃  
午窗一枕齁齁睡  
世上何人最得忼

雪後梅邊

一枝密密一枝疎  
一樹亭亭一樹枯  
月是毛錐煙是紙  
爲予寫作百梅圖

野迳茅茨竹作墻  
歲寒曾亦幾平章  
高人風味天然別  
不在橫斜不在香

立春

冰絲玉縷簇青紅  
已逗花梢一信風  
夢到謝池新雪盡  
暖煙含雨綠匆匆  
綵燕雙簪翡翠翹  
巧裁銀勝試春韶  
東風已到闌干北  
看見嬌黃上柳條

湖上

輕塵不動雨霏微  
堤外芹香燕子飛  
庭院日長簾幙靜  
含情脉脉看春歸  
綠波如畫雨初晴  
一呀煙蕪極望平  
日暮落花風欲定  
小

樓絃管壓新聲  
連天芳艸晚  
淒淒蝶躩花邊馬  
不嘶蜂蝶已歸  
絃管靜猶聞人語  
画橋西  
鞦韆人散雨千絲  
誰把秦笙隔院吹  
但覺小橋煙外柳  
春風無力逞腰支  
清明日舟次吳門  
蓬窗恰受夕陽明  
楊柳梨花半月程  
老去不知寒食近  
一篙煙水載春行  
片片花飛更異鄉  
人家插柳抵愁長  
晴沙煙艸幾今古  
春去春來燕子忙

清明

淡煙疎雨清明日  
飛絮落花遊子心  
燕語春愁初睡起  
一簾艸色暮池深

聞鶯

綠窗愁寂雨淒淒  
春老江南花亂飛  
鶯亦自知人意思  
垂楊深院盡情啼

上巳遊顯親寺題其壁

一犁初試繭栗犢  
兩所對鳴晴雨鳩  
搖落碧桃花片片  
石欄干下釣魚舟  
屬玉雙飛水滿塘  
石爐栢子掩山房  
一甌瀑煮春風濕  
只聽松聲意自長

夏夜

河漢微明星乍稀  
碧蓮香濕襲人衣  
夜涼如水琉璃滑  
自起開窗放月歸

楊柳枝

綠陰深護碧闌干  
拂拂春愁不忍看  
燕子未歸花落盡  
一簾香雪晚風寒  
幾日春寒怯上樓  
樓頭煙縷拂簾鈎  
相看瘦盡渾無奈  
一種風流各自愁

漁父詞

煙波渺渺一輕篷  
浦溆生寒蘆荻風  
昨夜新霜魚自少  
滿江明月笛聲中

龜巢夜宴

落日鴛鴦睡淺坡  
荷花初醒水微波  
玉簫吹斷晴雲濕  
最覺池寬得月多

雨宿

雨宿疎篷不耐關  
蘋花菰葉老江干  
鷺飛欲下忽驚起  
秋水新添一寸寒

還留石亭

枯荷折葦臥鳧鷖  
小雨輕煙画出秋  
自喚短篷將老硯  
石亭尋客了詩愁

九日道中凄然憶潘邠老之句

滿城風雨近重陽  
城脚誰家菊自黃  
又是江南離別處  
煙寒吹鴈不成行

聞角

殘角吹霜月欲斜  
天寒無奈客思家  
不知野竹滄江上  
開到梅梢第幾花

宿不老山

借得松風一覺眠  
旋燒枯葉煮山泉  
人間蟻垤王侯夢  
不到梅花紙帳邊

東齋

佳木扶疎漏曉暉  
書牀留得夜來雲  
幽經談盡無工課  
自理東窗芝朮熏

除夜

盡處生機袞袞新  
花情柳思已精神  
歲堂堂去誰能守  
睡

到明朝又是春

獨立

茅茨煙樹水溶溶  
籬落人家帶晚春  
獨立西風無一事  
自撐短艇看芙蓉

宋十五家詩選

東海 陳 訐 輯

文天祥

字履善又字宋瑞吉水人理宗朝舉進士對策第一父憂服滿除寧海軍節度判官遷刑部郎以上書劾董宋臣出守瑞州改江西提刑遷尚書左司郎累遭論罷後除軍器監兼權直學士院忤賈似道喉論罷斥致仕咸淳九年起湖南提刑改知贛州德祐初發兵勤王以江西提刑安撫使召入衛除知平江府元兵破常州入獨松關召守餘杭知臨安府除樞密使進右丞相辭不拜如元軍諱和被拘北行至鎮江亡入真州由海道抵溫景炎改元以觀文殿學士侍讀召拜右丞相以同都督開闢江西收兵入汀州恢復郡縣軍勢大振會別將鄒鳳等敗兵潰空坑奔駐循之南嶺祥興改元加少保信國公進兵潮陽元將張弘範輕兵奄至被執服腦子不死絕食不死至燕囚兵馬司四年卒不屈南向再拜就刑柴市年四十七

羅念庵云先生文辭矯乎如雲龍之出風塵  
汎乎如浴鷗之忘機械凜乎如匣劍之蘊鋒

先生忠義大節照耀千古宋史載先生性豪  
華平生自奉甚厚聲伎滿前勤王後痛自貶  
損今觀先生平時諸什固多和平淡泊之音  
卽亂離後如指南錄諸詩亦雅醇不迫可見  
浩然之氣惟真性情人有之所謂仁義之  
人其言藹如也余採先生詩殿宋諸公未見  
詞華中有不朽人物世之詩  
文家弗以春華自薄云爾

御賜瓊林宴恭和詩

壬戌以秘書省官與宴

奉詔新彈入仕冠重來軒陛望天顏雲呈五色符旗蓋露  
立千官雜珮環燕席巧臨牛女節鸞章光映壁奎間獻詩  
陳雅愚臣事况見賡歌氣象還

次韻劉左司前以著作郎主秘書省營繕事時落成

適潘秘丞得郡樵李并餞行有詩

蓬壺日月四時春金碧新來絢帝宸俎豆幸陪麟省雋衣  
冠中有虎符新詩餘和氣生談塵坐久風光入醉茵多謝  
蘭臺舊盟主好歸羣玉領儒珍

贈秘書王監丞

君不見秘書外監賀放翁鏡湖一曲高淸風又不見太子  
師傅兩疏氏東門祖帳羅羣公人生晚節良不易頽波直  
下誰障東使人知有在我者二三君子爲有功我公金華  
山下住赤松安期白雲處風骨細瘦真神仙急流勇退不  
肯顧我昔山中想風采幾回擊節歸田疏適來追陪水蒼  
佩親見辭歸白雲路御筆擢公領蓬仙師表玉立東宮官



兩年苦口一去字未許鷗鷺從公閑瑤池淡淡鎖策府玉  
皇宮闕僑其間暫分赤符管下界半空雲氣常往還多少  
持麾辭上國悠悠風塵見此客莫作尋常太守看疏賀以  
來偉人物夜瞻婺女次舍中一點光明射南極公歸眠食  
重調護世道尚憑公氣力  
公人亦知公不以公賦也  
贈蒲陽卓大著順寧精舍三十韻  
人生天地間一死非細事識破此條貫八九分地位趙岐  
圖壽藏杜牧擬墓誌祭文潛自撰荷鍾伶常醉此等蛻浮  
生見解已不易齊物逍遙遊大抵蒙莊意聖門有大法學  
者必孔自知生未了了未到知死地原始則返終終始本  
一致後來得西銘精蘊發洙泗吾體天地塞吾氣天地帥

一節非踐形終身莫繼志舜功禹顧養參全穎錫類伯奇  
令無違申生恭不貳聖賢當其生無日不惴惴彼豈不大  
觀何苦勤興寐吾順苟不虧吾寧始無愧人而有所忝曠  
達未足智卓哉居士翁方心不姿媚蒙讒以去國七年無  
怨懟風雨三間茅松楸接蒼翠斯丘亦樂哉未老先位置  
宇宙如許大豈以爲敝屣當其歸去來致命聊自遂天之  
生賢才初意豈無爲民形物同與何莫非已累君方仕於  
朝名高貴所萃乾坤父母身方來日川至西銘一篇書順  
事爲大義請君觀我生姑置末四字

和蕭安撫平林送行韻

逢辰字應父樞密  
檢詳江西安撫

得失元來付塞翁何心桃李問東風人皆有喜榮三仕我

尚無文謝五窮秘苑固知朋可正畏途猶恐甲方衷欲酬  
長者殷勤祝坎止流行學四忠

玄潭觀和龔宰韻

晉代何曾谷此陵到今樓觀隱居亭幻成鷗鷺乾坤濶陶  
盡魚龍雲水腥仙有神功叅造化人將故事入丹青我來  
欲去長橋孽祠下徘徊夜乞靈龍去來疑命輒自致天之  
宣州罷任再贈楊相士  
貧賤元無富貴思泥塗滑滑總危機世無徐庶不如卧見  
到淵明便合歸流落丹心天肯未崢嶸青眼古來稀西風  
爲語巖前桂若更多言却又非

贈曾一軒

磨蝎之宮星見斗箕之揚之箕有口昌黎安身坡立命謗  
毀平生無不有我有斗度限所經適然天尾來臨丑雖非  
終身事干涉一年貝錦紛雜糅吾家祿書成巨編往往日  
者迷幾先惟有一軒曾正德其說已在前五年陰陽造化  
蕩晝夜世間利鈍非偶然未來不必更臆度我自存我謂  
之天

贈老庵廢希說

短屐平生幾兩穿錦囊真得當家傳山中老去稱庵主天  
上將來說地仙面皺不妨筋骨健舌存何必齒牙全金精  
淡處苓堪飯更住人間八百年

贈劉可軒寫真

燕領鳶肩多易寫從前只道點睛難近來阿堵君休問燈  
下時將頰影看  
蒼籀書法祖斯冰篆家豪昔人鋒在筆今子鋒在刀收功  
棠溪金不禮中山毛囊錐脫穎出鐫崖齊天高

題梅尉詩軸

乃翁聖俞君瑰辭燦琳琅吾鄉歐陽子逸韻諧宮商人物  
雄中原園囿盛洛陽醲郁追皇風詭怪抑晚唐雲仍四方  
志生長百戰場憂國杜少陵感興陳子昂我亦青原人君  
遺明月光掩卷不能和握手談肝腸

送趙王賓二首

風流不比賀家狂瀟灑黃冠意更長自有武夷溪九曲鑑  
湖何必問君王

蕭然被褐不求知歸倚溪船理釣絲却笑荆山空自售未  
應有智不如葵

懶從原上訪桃花又不青門去種瓜傳得神仙蟬蛻法君  
如覓我問烟霞

題延真羅道士玉澗

雙巖夾方流知有至妙蘊山石發清暉艸木得餘潤泉源  
皆寶氣樵牧駭潛蜃仙翁獨危坐華池養水性神澤溫而  
栗骨峭老益勁苔磯枕泓碧時有魚出聽麋瓊飯潺湲冲  
淡意無朕

閑居和雲屋道士

一樽聊共此時心  
文字追隨落醉吟  
仙子樓臺修竹外  
行人冠蓋畫橋陰  
一年芳艸東風老  
五月空江夜雨深  
且作蘭亭歡喜集  
更論誰後又誰今

送青源二首

鐘魚聞日月  
竹樹老風烟  
一徑溪聲滿  
四山天影圓  
無言都是趣  
有想便成緣  
夢破啼猿雨  
開元六百年

空庭橫蟠竦  
斷碣偃龍蛇  
活火參禪筍  
真泉透佛茶  
晚鐘何處雨  
春水滿城花  
夜影燈前客  
江西七祖家

題碧落堂

知瑞州日

大廈新成燕雀歡  
與君聊此共清閑  
地居一郡樓臺上  
人

在半空烟雨間  
修復盡還今  
宇宙感傷猶記舊  
江山近來又報秋  
風緊  
頗覺憂時鬢欲斑

餞新班弟

送君天上去  
當戶理瑤琴  
萬里白鷗遠  
千山黃葉淡  
江空行路影  
日暮倚門心  
若見西湖雪  
灞橋人正吟

和韻送逸軒劉民章

庚午科名子俊

少日屠龍事已勞  
送人千里發江濤  
蓬萊地近風方細  
闔門開日正高  
春裏看花須欸欸  
雨中剪韭且陶陶  
金吾已辦長安月  
雙鳳扶雲立海鰲

登雙溪閣

碧落神仙宅  
當年庾謝來  
烟雲連艸樹  
山水近樓臺  
萬雉

銀缸舉千鴉鐵騎回梅花衣上月把玩爲徘徊  
題吳城山

龍行人鬼外神在地天間彭蠡石砮出洞庭商舶還秋風  
黃鵠濶春雨白雲閑雲際青如粟河流接海山  
東方有一士  
萬金結遊俠千金買歌舞升青映第宅從者塞衢路身爲  
他人役名聲落塵土他人一何傷富貴還自苦東方有一  
士收垣半風雨不識絲與竹飛雀滿庭戶一飯或不飽夜  
夢無驚寤此事古來多難與俗人語

寄故人劉方齋

溪頭濁潦擁魚鰕笑殺漁翁下釣差棹取扁舟湖海去悠

悠心事寄蘆花

題滕王閣

五雲牕戶瞰滄浪猶帶唐人翰墨香日月四時黃道濶江  
山一片畫圖長迴風何處搏雙鴈凍雨誰人駕獨航回首  
十年此漂泊閣前新柳已成行

題黃岡寺次吳履齋韻

名潛丞相

長江幾千里萬折必歸東南浦驚新鴈廬山隔晚風人行  
荒樹外秋在斷蕪中何日洗兵馬車書四海同

龍霧洲覺海寺次李文溪壁間韻

名昂英侍郎

閣黎鐘後訪團蒲江色漫漫晝欲晡一笛梅邊何滿子千  
簑蘆外筆頭奴急風吹鴈還家未新雨生濤到海無本是

白鷗隨浩蕩野田漂泊不爲孤

題陳正獻公六梅亭

相府亭前梅六株四圍香影護琴書月華猶帶玉堂色風味曾分金鼎餘五柳門前空寂寞三槐堂上竟蕭疎惟渠不變凌霜操千古風標只自如

山中卽事

攜壺藉艸醉斜陽白鶴飛來月下雙蘆葉西風驚別浦芭蕉夜雨隔疎牕千年帝子朱簾夢一曲仙人鐵笛腔若問山翁還瘦否手持漁竹下寒江

宿山中用前韻

南山之隩北山陽羽扇輕風共影雙畫檠菰蒲明月笛青

燈蟋蟀白雲牕半生遊子成行債一夜佳人作別腔倚釣重來此簑笠梅花十里雪空江

山中

滄洲棹影荻花涼欸乃一聲江水長賴有尊風堪斫膾便無花月亦飛觴山中世已驚東晉席上人多賦晚唐何處魚羹不可飯蚤拚泉石入膏肓

山中謾成柬劉方齋

名夢桂居南湖太師公玄孫

東風解凍出行嬉一閔烟塵隔翠微自有溪山真樂地從來富貴是危機二三輩行惟須醉多少公卿未得歸明日主人酬一座小船旋網鱖魚肥

山中載酒用蕭敬夫韻賦江漲

拍拍春風滿面浮出門一笑大江流坐中狂客有醉白物  
外閑人惟奕秋晴抹雨粧總西子日開雲暝一滁州忽傳  
十萬軍聲至如在浙江亭上遊  
山中和韻  
白扇揮殘暑青鞋踏嫩晴花牀尋小隱石鼎引長鳴紗帽  
有時去酒壺惟意傾山僧癡與坐閑却瘦彌明

山中感興二首

載酒之東郊東郊艸新綠一雨生江波洲渚失其足青春  
豈不惜行樂非所欲采芝復采芝終朝不盈掬大風從何  
來奇響振空谷我馬何立黃息我西山麓  
山中有流水霜降石自出驟雨東南來消長不終日故人

書問至爲言北風急山溪人不知塞馬誰得失挑燈看古  
史感淚縱橫發幸生聖明時漁樵以自適

山中呈聶心遠諸客

誰入山來問野舟一篙花外渡溪流小顰風樹蹢躅鶴淺  
約湍沙浩蕩鷗湖上有時思洛社人間何處不滁州徘徊  
才是黃昏候短笛先催月上樓

再用前韻

黃葉婆娑上釣舟喚回舊夢到江流多情政自憐檣燕兩  
鬢終當付野鷗未說離懷向南浦須知詩意在夔州朔風  
昨夜吹沙急早覺寒聲戰玉樓

山中六言三首

兩兩漁舟搖下雙雙紫燕飛  
圓流水白雲芳艸清風明月  
蒼苔  
鶴外竹聲簌簌座邊松影疎疎  
夜靜不收棋局日高猶卧  
紗厨  
風煖江鴻海燕雨晴簷鵲林鳩  
一段青山顏色不隨江水  
俱流

山中

烟雲開窈窕荆棘剪離披  
蠟屐上下齒竹枝長短詞半山  
江色透獨樹午陰遲  
世上兒孫老有人猶看棋  
倏忽當年遇蒙茸幾度披  
水霞明畫卷艸樹幻騷詞  
鳥過目不瞬江流意自遲  
世人空黑白一色看坡棋

夜歸

市橋燈火未闌珊  
一簇人家樹影間  
想把神仙爭羨我不  
知我正羨渠閒

八月十六日見梅

廣寒殿裏玉樓開  
那得孤山處士來  
半夜西風半身影  
夢中騎得雪驢回

和蕭秋屋韻

蘆花作雪照波流  
黃葉聲中一半秋  
明月嬋娟千里夢  
扁舟汗漫五湖遊  
星辰活動驚歌笑  
風露輕寒敵拍浮  
贏得年年清賞處  
山河全影入金甌

月夜



月到中天雲劃開  
斷橋幻出玉樓臺  
夜淡一鶴掠舟過  
疑是坡仙赤壁來

江行  
日日看山好  
山山色蒼忘  
機鷗下早  
戀旆馬行忙  
松曉清風溼  
荷秋流水香  
短簑吹鐵笛  
年歲大江長

山中小集

江山閑勝賞萬戶  
不須留客醉客多  
事吾詩吾自酬  
夕風吹絳蠟  
春色漾黃流  
賓客歸來夜  
除翁無此遊

生日和聶吉甫

五月初二日

青蒲花未老  
黃竹筍初生  
細咏詩工部  
閑評字率更  
大江流日影  
時鳥說春榮  
共作十年計  
身謀政自輕

生日和謝愛山長句

崧老字伯華

余屏迹山間  
誦昌黎三星  
行政自多感  
亦何有於初  
度客謝愛山  
翩然遠來  
貽我長句  
噓拂而縑籍  
之者至矣  
倚歌而和  
愧不成章

寓形落落大塊間  
噓吸一氣自往還  
桑弧未了男子事  
何能局促甘囚山  
昔年此日作初度  
賓客如雲劇歡舞  
今年避影却閉門  
掩觴自壽白頭母  
故人憶我能遠來  
虹光滿袖生瓊瑰  
一栢相屬慰岑寂  
使我發笑愁顏開  
簸揚且聽箕張口  
丈夫壯氣須衝斗  
夜闌拂劍碧光寒  
握手相期出雲表

生日山中和蕭敬夫韻

山溪不用結涼棚，風起江蘋暑氣輕。  
處士林泉自今古，男兒弧矢付豪英。  
客來不必籠中羽，我愛無如橘裏枰。  
一任蒼松栽十里，他年猶見茯苓生。

次約山賦杏花韻

名花韻在午晴初，雨沁胭脂臉更敷。  
蒲驛莫妨娛刺史，錦坊豈不勝中書。  
時無艷曲臨軒縱，公莫巍壇韞匱沽。  
春老綠陰青子近，東風來往一吹噓。

贈南安黃梅峯

清淺風流聖得知，黃昏歸鶴月來時。  
嶺頭更有高寒處，却是江南第一枝。

送人往湖南

鴈拖秋月洞庭邊，客路淒涼野菊天。  
雲隔酒樽橫北海，風吹詩史落西川。  
夜深鬼火千山雪，春後鶉花一樹烟。  
爲我祝融峯上看，朝暾白處禮蓬仙。

和謝愛山晚吟韻  
日晚與客散步，因誦夕陽雖好不  
多時之句，謝愛山欣然賦之，余亦率然口占以和，亦一時之樂也。

日落未落天蒼涼，懸厓掛壁畱餘光。  
紫烟翠霧空迷茫，颼颼度壑松風長。  
牛背短笛催歸忙，飄飄逸興空悠揚。  
襟懷灑落萬慮亡，須臾薄暝山色藏。  
長歌浩浩相激昂，淡雲弄月微昏黃。

別謝愛山

綠綺知音早青燈對語遲那知今雨別又重故人思山隔  
詩情遠雲含客思悲小樓今夜笛莫向月中吹  
君今拂衣去我獨枕書眠一片過林雨數聲當戶蟬情長  
空有恨吟苦不成篇後會知何日西風老鴈天

和胡琴牕

名曰宣  
字德昭

買得青山貴似金瘦筇上下費沉吟  
花開花落相關意雲去雲來自在心  
夜雨一江漁唱少秋風兩袖客愁深  
夾堤密與栽楊柳剩有行人待綠陰

七月十三日夜用燈牌字韻湊成一詩與諸賓一笑  
赤壁當年賦子虛西風忽復到菰蒲蟾蜍影裏千秋鑑  
蟋蟀聲中七月圖詩思飄飄入雲漢歌聲隱隱動江湖  
萬家

簫鼓連燈火見說來年此事無

病中作

歲月侵尋見二毛劍花冷落鷓鴣膏  
睡餘吸海龍身瘦渴裏奔雲馬骨高  
百忌不容親酒具千愁那解減詩豪  
起來大作屠門嚼自笑我非兒女曹

又賦

一病忽兩月蓬頭夏涉秋形羸心自壯  
手弱筆仍道昨夜燈如喜今宵蝶莫愁  
問誰驅五瘧正與五窮謀一病四十日  
西風艸木涼倚牀腰見骨覽鏡眼留  
眵倦策吟詩杖頻燒讀易香夜溪排  
果餌乞巧大醫王

又賦

驟雨知何處一溪秋水生苦吟肩鶴瘦多病耳蟬鳴隱几  
惟便睡挑包正倦行山溪明月夜乞我半牕清  
寄興逃吾病吟詩老此生風高鳴雁起晴久鷓鴣鳴野樹  
辭秋落溪雲帶雨行晚涼便懶坐移傍竹陰清

病愈簡劉小邨

秋光沁人骨意氣曉來新古鼎龍團雪虛簷麈尾春商山  
奕棋老赤壁洞簫賓風月真倉扁招呼入屋頻

倦餘心自醉病起首如蓬黃竹斷橋雨白蘋長笛風僂僂  
鷗屢舞咄咄鴈書空孤負秋來眼閑挑爨下桐

夜坐偶成

蕭蕭秋夜涼明月入我戶攬衣起中庭仰見牛與女坐久

寒露下悲風動紈素不遇王子喬此意誰與語

簡琴牕雲屋竹軒諸友

世情千萬變險甚劒頭炊嗜傳姑成癖登山且作癡烟霞  
非疾痼泉石自心馳獨喜精神健山中剩有詩

又用韻簡李溪之

名道大  
號溪齋

晚尊和月吸早飯帶星炊鵬鷄從高下螿蟬任黠癡水澄  
神自止雲遠意俱馳門外誰車馬故人來課詩

早起偶成

澹澹池光曙沉沉野色秋片雲生北舍隻鴈過南樓有見  
皆成趣無言總是愁芭蕉夜來水燕罷自搔頭

又用韻

江山如有意天地可無秋夜月馮驩鋏西風王粲樓露蛩  
令我喜烟艸爲誰愁且醉杯中物相看尚黑頭

曉起

夢破風烟迥衾寒不自由鐘聲到枕曙月影入簾秋鴈過  
江山老蛩吟艸樹愁整冠人共笑兩月不梳頭

借朱約山韻就賀桂冠

身健尚堪松下飯眼明正好橋中棋青山有約當朱戶白  
首何心上彩闌栗里田園供雅興午橋鐘鼓賞清時晚來  
倦客秋江上坐看半天黃鵠飛

用前人韻賦招隱

釣魚船上聽吹笛煨芋爐頭看下棋賸有晚愁歸別浦已

無春夢到端闌去年尚憶桃花處好景重逢橋綠時珍重  
山人招隱意猿啼鶴嘯白雲飛

用前人韻招山行以春爲期

掃殘竹徑隨人坐鑿破苔磯到處棋一水樓臺開曉鏡萬  
山花木放春闌雪中便有圓舟興林下豈無燒筍時莫待  
東風吹柳絮眼穿籠鶴遶湖飛

翰林權直罷歸和朱約山韻

閑雲舒卷無聲畫醉石敲推一色棋試問桂瓢棲碧洞何  
如襍被卧形闌夢中芳艸還成路別後黃花又是時羞殺  
今年堂上燕片心寄與鴈南飛

醉清湖上三日有叟獨不在坐卽席有懷

石鼎吟方透瑤觴醉未闌疎林花密綴舊壘燕新安春半  
湖山好夜淡江海寒王孫隔芳艸初月正相看

羅山長存叟兄弟來謝宴山中

存叟名耕登科

天開盤谷隱春到浣溪家一水樓臺影滿山桃李花春風  
寄橫笛夜月擬乘槎政好逢佳客江空北斗斜

挽王遠叔

孟嘗生五日白首嘆遭逢燈火殘編雨蓋鹽短褐風八天  
下鷓鴣半水偃蛟龍原上諸生哭黃花衰艸中

題楚觀樓

西風吹感慨曉氣薄登臨半壁楚雲立一川湘雨淡乾坤  
橫笛影江海倚樓心遺恨飛鴻外南來訪遠音

和衡守宋安序送行詩

并序

某將指罔功叨符便養初聯寅誼近依清燕之香  
末添交盟親授朱提之印冠蓋一時之盛事縉紳  
百世之淡情別集殷勤歌詞鄭重夢回雲舍淡懷  
萱艸之詩思乏雪車謾和梅花之賦瞻言作遠覽  
擲爲榮

玉立湘西第一洲丹梯小爲嶽雲留東風城郭人行樂春  
日旌旗公出遊便趨縹香摩碧漢莫嫌綉影浣清流兩君  
相見衣冠好記取兒孫好話頭

方共衡雲把酒杯春風吹向鬱孤臺鴈將回處驚帆落花  
未開時怯笛催別艸可堪遊子去寄梅應爲故人來臨行

笑覓凝香譜十駕那追逸驥材

將母赴贛道西昌

重來鷗閣曉帆影漲新晴倚檻雲來去閉簾花送迎江湖  
春汗漫歲月老崢嶸手把忘憂艸夔夔繞太清

題鬱孤臺

城郭春聲闊樓臺晝影遲並天浮雪界葢海出雲旗風雨  
十年夢江湖萬里思倚闌時北顧空翠濕朝曦

予題鬱孤泉筦五湖翁姚濂爲之和翁官滿歸里因

韻贊別并謝前辱

巢龜君住好涌翠我來遲夜雨呼三韭春風試一旗飛來  
行客夢芳艸故人思何日五湖上同看浴海曦

翠玉樓晚雨

晚樓一曲轉梅花官事無多報放衙林木蔽虧烟斷續江  
流曲折雨橫斜年華冉冉風前影歲暮悠悠客裏家一鴈  
近從沙鷺落更饒片雪入天涯

翠玉樓和端逸韻

客影魚千里年華柳十圍白雲栖石密黃鵠出烟微江海  
秋風老湖山晚日暉鬱孤臺上望野闊犢初肥

翠玉樓

昏鴉何處落野渡少人行黃葉聲在地青山影入城江湖  
行客夢風雨故鄉情試問南來信梅花三兩英

合江樓

天上名鷄尾人間說虎頭春風千萬岫秋水兩三洲客晚  
驚黃葉官閑笑白鷗雙江日東下我欲賦扁舟

皂蓋樓

一水樓臺繞半空圖畫開蝸涎行薜荔雀影上莓苔碧落  
人千載青山酒一杯晚烟看不盡待月却歸來

馬祖巖

曾將飛錫破苔痕一片雲根鎖洞門山外人家山下路石  
頭心事付無言

塵外

半山風雨截江城未脫人間總是塵中夜起看衣上月青  
天如水露華新

雲端

半空天矯起層臺傳道劉安車馬來山上白晴山下雨倚  
闌平立看風雷

改題萬安縣凝祥觀

古道松花空翠香風前鬢影照滄浪飛泉半壁朝雲溼啼  
鳥滿山春日長須信神仙元有國不知蠻觸是何鄉道人  
橫笛招歸鶴坐到斜暉上壁璫

相如遊獵賦華棟壁璫  
注壁璫以玉爲椽頭

山中再次胡德昭韻

不將顏色汗黃金落得灞橋驢上吟是處江山生酒興滿  
天風雪得梅心觥籌堂裏春聲沸燈火林臯夜色淡人世  
可能行樂耳重遊不用卜晴陰



曾見樽前此客哉笑攜麈尾拂莓苔水邊飛鴈年年見湖  
上新亭日日來酌菊醉餘披艸坐揆梅吟罷帶花回北厓  
尚被剛風隔笑殺匆匆上馬杯

山中泛舟觴客

便作乘槎客蕭蕭骨髮清尊前山月過笛裏水風生半夜  
魚龍沸三秋河漢明雪堂眠三客夢與白鷗盟

遣興

一落顛崖不自由春風相對說牢愁稚驢黑月光中吼饑  
鼠青燈影下遊豈料乾坤成墮甌始知身世是虛舟遙憐  
海上今塵土前代風流不肯休

東風吹艸日高眠試把平生細問天燕子愁迷江右月杜

鵲聲破洛陽烟何從林下尋元亮只向塵中作魯連莫笑  
道人空打坐英雄收斂便神仙

夜起

夢破東牕月半明此身雖在只堪驚一春花裏離人淚萬  
里燈前故國情龍去想應回海島鴈飛猶未出江城客愁  
多似西山雨一任蕭條白髮生

見艾有感

過眼驚初夏回頭憶晚春已憐花結子又見艾爲人故國  
丹心老中原白髮新靈修那解化清夢楚江濱

自歎

綠槐雲影弄黃昏月照牢愁半掩門一片心如千片碎十

分鬚有二分存沙邊黃鵠長回首江上杜鵑空斷魂豎子  
溷人漫不省紅纓白馬意軒軒

重陽

庚辰

飄零萬里若爲家一夜西風吹鬢華祇有新詩題甲子更  
無故舊對黃花

江南秋色滿梧桐回首青山萬事空怕見鏡中新白髮長  
將破帽裹西風  
風捲車塵弄曉寒天涯流落寸心丹去年醉與茱萸別不  
把今年作健看

石港

王陽真畏道季路漸知津山鳥喚醒客海風吹黑人乾坤

萬里夢烟雨一年春起看扶桑曉紅黃六六鱗

亂礁津

自北海渡楊子江至蘓州洋其間最難得山僅得  
蛇山洋山大小山數山而已自入浙東山漸多入  
亂礁洋青翠萬疊如畫圖中在洋中者或高或低  
或大或小與水相擊觸奇怪不可名狀其在兩傍  
者如岸上山叢山實則皆在海中非有畔際是日  
風小浪微舟行石間天巧捷出令人應接不暇殆  
神仙國也孤憤愁絕中爲之心廣目明是行爲不  
虛云

海山仙子國邂逅寄孤篷萬象畫圖裏千崖玉界中風搖

春浪軟礁激暮潮雄雲氣東南密龍騰上碧空

長溪道中和張自山韻

湖風連地吼江雨帶天流宮殿扃春仗衣冠鎖月遊傷心

今北府遺恨古東洲王氣如川至龍興海上州

東洲常州也

夜靜吳歌咽春深蜀血流向來蘇武節今日子長游海角

雲爲岸江心石作洲丈夫竟何事底用泣神州

呈小邨

予自劍進汀小邨過清流來迎不圖此生復相見

萬里飄零命羽輕歸來喜有故人迎雷潛九地聲元在月

暗千山魄再明疑是倉公回已死恍如羊祜說前生夜闌

相對真成夢清酒浩歌雙劍橫

自嘆

艸宿披宵露松餐立晚風亂離嗟我在艱苦有誰同祖逖

關河志程嬰社稷功身謀百年事宇宙浩無窮

過零丁洋

辛苦遭逢起一經干戈落落四周星山河破碎風拋絮身

世飄搖雨打萍皇恐灘頭說皇恐零丁洋裏嘆零丁人生

自古誰無死畱取丹心照汗青

二月六日海上大戰國事不濟孤臣天祥坐北舟中

向南慟哭爲之詩曰

長平一坑四十萬秦人歡忻趙人怨大風揚沙水不流爲

楚者樂爲漢愁兵家勝負常不一紛紛干戈何時畢必有

天吏將明威不嗜殺人能一之我生之初尚無疾我生之後  
遭陽九厥角稽首併二州正氣掃地山河羞身爲大臣  
義當死城下師盟愧牛耳間關歸國洗日光白麻重宣不  
敢當出師三年勞且苦只尺長安不得覩非無虢虎士如  
林一日不戒爲人擒樓船千艘下天角兩雄相遭爭奮搏  
古來何代無戰爭未有鋒蝟交滄溟遊兵日來復日往相  
持一月爲鷓蚌南人志欲扶崑崙北人氣欲黃河吞一朝  
天昏風雨惡炮火雷飛箭星落誰雌誰雄頃刻分流屍漂  
血洋水渾昨朝南船滿厓海今朝只有北船在昨夜兩邊  
桴鼓鳴今朝船船鼾睡聲北兵去家八千里椎牛醢酒人  
人喜惟有孤臣兩淚垂冥冥不敢向人啼六龍杳靄知何

處大海茫茫隔烟霧我欲借劍斬佞臣黃金橫帶爲何人

有感

海闊龍溪蟄山空鳥雜鳴花隨春共去雲與水俱行壯士  
千年志征夫萬里程夜涼看星斗何處是櫓槍

海上

天邊青鳥逝海上白鷗馴王濟非癡叔陶潛豈醉人得官  
須報國可隱卽逃秦身事蓋棺定挑燈看劍頻

贛州

滿城風雨送淒涼三四年前此戰場遺老猶應愧蜂蟻故  
交已久化豺狼江山不改人心在宇宙方來事會長翠玉  
樓前天亦泣南音半夜落滄浪

海近山如沃林深屋半蕪乾坤正風雨軒冕總泥途自歎  
鳶肩薄誰憐鶴影孤少年狂不醒夜夜夢伊吾

晚渡

青山圍萬疊流落此何邦雲靜龍歸海風清馬渡江汲灘  
供茗椀編竹當篷牕一井沙頭月羈鴻共影雙

建康

金陵古會府南渡舊陪京山勢猶盤礴江流已變更健兒  
徙幽土新鬼哭臺城一片清溪月偏於客有情

金陵驛

艸合離宮轉夕暉孤雲飄何依山河風景元無異城

郭人民半已非滿地蘆花和我老舊家燕子傍誰飛從今  
別却江南日化作啼鶻帶血歸

萬里金甌失壯圖衮衣顛倒落泥塗空流杜宇聲中血半  
脫驪龍領下鬚老去秋風吹我惡夢回寒月照人孤千年  
成敗俱塵土消得人間說丈夫

早秋

隻影飄零天一涯千秋搖落欲何之朝看帶緩方嫌瘦夜  
怯衾單始覺衰眼裏游從驚死別夢中兒女慰生離六朝  
無限江山在搔首斜陽獨立時

中秋

不教收骨瘴江邊驅向胡沙着去鞭舊奪官袍空獨步新

餐官飯飽孤眠客程恰與秋天半人影何如月倍圓猶是  
江南佳麗地徘徊把酒看蒼天

行宮

中齋日

十里宮牆一聚塵天津晚過客愁新花啼杜宇歸來血樹  
掛蒼龍脫去鱗福德儻存終有晉秣陵未改已無秦秋風  
禾黍空南北見說銅駝會笑人

怪底秦淮一水長幾多客淚洒斜陽江流本是限南北地  
氣何曾減帝王臺沼漸荒基歷落鶯花猶在意淒涼青天  
畢竟有情否舊月東來失女牆

發建康

八月二十四日

賞心亭下路拍手唱吾歌樓外梁時塔城中秦代河江山

如夢耳天地奈愁何回首清溪曲長江一鴈過

江行有感

二十五日

蒲萄肥汗馬荆棘冷銅駝巫峽朝雲溼洞庭秋水波窮愁  
空突兀暗淚自滂沱莫恨吾生悞江東才俊多

過邵伯鎮

二十八日

今朝車馬地昔日戰爭塲我有揚州鶴誰存召伯棠一灣  
流水小數畝故城荒回首江南路青山斷夕陽

高郵懷舊

二十九日

借問曾遊處高沙第幾山潛行鷹攫道直上虎當關一命  
虛空裏三年瞬息間自憐今死晚何復望生還

過淮河宿闕石有感

北征垂半年依依只南土今晨渡淮河始覺非故宇江鄉  
已無家三年一羈旅龍翔在何方乃我妻子所昔也無奈  
何忽已置念慮今行日已近使我淚如雨我爲綱常謀有  
身不得顧妻兮莫望夫子兮莫望父天長與地久此恨極  
千古來生業緣在骨肉當如故

發崔鎮

初五日

高鴈空秋興寒螿破曉眠淡烟白似海野水碧於天興廢  
嗟何及行藏信自然南人乍騎馬北客半乘船

發魚臺

十二日

晨炊發魚臺碎雨飛擊面團團四野周冥冥萬象變疑是  
江南山烟霧昏不見豈知此中原今古經百戰英雄化爲

土飛霧洒郊甸天寒日欲短游子淚如霰

### 六歌

有妻有妻出糟糠自少結髮不下堂亂離中道逢虎狼鳳  
飛翩翩失其凰將雛一二去何方豈料國破家亦亡不忍  
舍君羅襦裳天長地久終茫茫牛女夜夜遙相望嗚呼一  
歌兮歌正長悲風北來起傍徨

有妹有妹家流離良人去後攜諸兒北風吹沙塞艸凄窮  
猿慄淡將安歸去年哭母南海湄三男一女同歔歔惟汝  
不在割我肌汝家零落母不知母知豈有瞑目時嗚呼再  
歌兮歌孔悲鶴鳴在原我何爲

有女有女婉清揚大者學帖臨鍾王小者讀字聲琅琅朔

風吹衣白日黃一雙白璧委道傍鴈兒啄啄秋無梁隨母  
北首誰人將嗚呼三歌兮歌愈傷非爲兒女淚淋浪  
有子有子風骨殊釋氏抱送徐卿雛四月八日摩尼珠榴  
花犀錢絡繹襦蘭湯百沸香似酥歛隨飛電飄泥塗汝兄  
十三騎鯨魚汝今知在三歲無嗚呼四歌兮歌以吁燈前  
老我明月孤  
有妾有妾今何如大者手將玉蟾蜍次者親抱汗血駒晨  
粧靚服臨西湖英英鴈落飄璠瑤風花飛墜烏嗚呼金莖  
沆瀣浮汙渠天摧地裂龍鳳殂美人塵土何代無嗚呼五  
歌兮歌鬱紆爲爾遡風立斯須  
我生我生何不辰孤根不識桃李春天寒日短重愁人北

風隨我鐵馬塵初憐骨肉鍾奇禍而今骨肉相憐我汝在  
北兮嬰我懷我死誰當收我骸人生百年何醜好黃梁得  
喪俱艸艸嗚呼六歌兮勿復道出門一笑天地老

發東阿

十七日

東原深處所時或見人烟秋雨桑麻地春風桃李天貪程  
頻問堠快馬緩加鞭多少飛檣過噫吁是北船

過雪橋琉璃橋

小橋度雪度琉璃更有清霜滑馬蹄遊子衣裳如鐵冷殘

星荒店野鷄啼

一作亂鳴鷄

五月二日生朝

北風吹滿楚冠塵笑捧蟠桃夢裏春幾歲已無籠鶴客去



年猶有送羊人江山如許非吾土宇宙奈何多此身不滅  
不生在何許靜中聊且養吾真

上巳

予自丙子上巳日真州屏之城門外於今憂患通  
六年俯仰時節爲之慨然

昔自長淮樹去帆今從燕薊眺東南泥沙一命九分九風  
雨六年三月三地下故人那可作天涯遊子竟何堪便從  
餓死傷遲暮面對西山已發慚

寒食

予不登丘隴拜清明寒食八年矣癸酉湖南甲戌  
乙亥章貢丙子淮東丁丑梅州戊寅麗江浦庚辰

燕山獄中今辛巳猶未得死和上巳韻寫懷

苦海周遭斷去帆東風吹淚向天南龍蛇澤裏清明五燕  
雀籠中寒食三撲面風沙驚我在滿襟霜露痛誰堪何當  
歸骨先人墓千古不爲丘首慚

讀赤壁賦前後二首

昔年仙子謫黃州赤壁磯頭汗漫遊今古興亡真過影乾  
坤俯仰一虛舟人間憂患何曾少天上風流更有不我亦  
洞簫吹一曲不知身世是蜉蝣

一笑滄波浩浩流隻鷄斗酒更扁舟八龍寫作詩中案孤  
鶴來爲夢裏遊楊柳遠烟連北府蘆花新月對南樓玉仙  
來往清風夜還識江山似舊不

自述

江南啼血送殘春  
漂泊風沙萬里身  
漢末固應多死士  
周餘乃止一遺民  
乍看鬚少疑非我  
只要心存尚是人  
坐擁牢愁書眼倦  
土牀伸脚任吾真

重陽

萬里飄零兩鬢蓬  
故鄉秋色老梧桐  
鴈棲新月江湖滿  
燕別斜陽巷陌空  
落葉何心定流水  
黃花無主更西風  
乾坤遺恨知多少  
前日龍山作夢中

夜

秋光連夜色萬里  
客淒淒落木空山  
杳孤雲故國迷  
衾寒霜正下  
燈晚月平西  
夢過重城夢千門  
鷄亂啼

爲或人賦

悠悠成敗百年中  
笑看柯山局未終  
金馬勝遊成舊雨  
銅駝遺恨付西風  
黑頭爾自誇江總  
冷齒人能說褚公  
龍首黃扉真一夢  
夢回何面見江東

除夜

乾坤空落落歲月去  
堂堂末路驚風雨  
窮邊飽雪霜命隨  
年欲盡身與世俱忘  
無復屠蘓夢挑燈  
夜未央

正氣歌

予囚北庭坐一土室  
室廣八尺深可四尋  
單扉低小白間短窄  
汗下而幽暗當此夏  
日諸氣萃然雨潦四  
集浮動牀几時則爲  
水氣塗泥半朝蒸漚  
歷

瀾時則爲土氣乍晴暴熱風道四塞時則爲日氣  
簷陰薪爨助長炎虐時則爲火氣倉腐寄頓陳陳  
逼人時則爲米氣駢肩雜遝腥臊汗垢時則爲人  
氣或固溷或死屍或腐鼠惡氣雜出時則爲穢氣  
疊是數氣當之者鮮不爲厲而予以孱弱俯仰其  
間於茲二年矣是殆有養致然然爾亦安知所養  
何哉孟子曰吾善養吾浩然之氣彼氣有七吾氣  
有一以一敵七吾何患焉况浩然者乃天地之正  
氣也作正氣歌一首

天地有正氣雜然賦流形下則爲河嶽上則爲日星於人  
曰浩然沛乎塞蒼冥皇路當清蕪含和吐明庭時窮節乃  
見一一垂丹青在齊太史簡在晉董狐筆在秦張良椎在  
漢蘄武節爲嚴將軍頭爲嵇侍中血爲張睢陽齒爲顏常  
山舌或爲遼東帽清操厲冰雪或爲出師表鬼神泣壯烈  
或爲渡江楫慷慨吞□□或爲擊賊笏逆豎頭破裂是氣  
所磅礴凜烈萬古存當其貫日月生死安足論地維賴以  
立天柱賴以尊三綱實係命道義爲之根嗟予遘陽九隸  
也實不力楚囚纓其冠傳車送窮北鼎鑊甘如飴求之不  
可得陰房闐鬼火春院闕天黑牛驥同一皁鷄棲鳳凰食  
一朝濛霧露分作溝中瘠如此再寒暑百沴自辟易嗟哉  
沮洳場爲我安樂國豈有他繆巧陰陽不能賊顧此耿耿  
在仰視浮雲白悠悠我心悲蒼天曷有極哲人日已遠典



